


藏書世紀列傳五十八之六十

廿二




漢書門			
八	二	一	三
號	函	架	冊

內閣文庫			
八	二	一	三
函	冊	架	冊

內閣文庫	
番號	漢 8820
冊數	34 (22)
函號	286 61





藏書賊臣傳卷五

殘賊五

竇成等



淺草文庫

殘賊二字
亦好

太史公曰孔子曰導之以政齊之以刑民免而無耻導之以德齊之以禮有耻且格老氏稱上德不德是以有德下德不失德是以無德法令滋章盜賊多有信哉是言也法令者治之且而非制治清濁之源也昔天下之罔嘗密矣然姦軌愈起其極也上下相遁至於不振當是之時吏治若救火揚沸非武健嚴酷惡能勝其任而愉快乎言道德者溺其職矣故曰聽訟吾猶人也必也使無訟乎下士聞

吏黨蒸以寬夫不事奸

善福難以此其酷

道大笑之非虛言也漢興破觚而為圓斲珣而為樸號為罔漏吞舟之魚而吏治蒸蒸不至於姦黎民又安繇是觀之在彼不在此高后時酷吏獨有侯封刻轢宗室侵辱功臣呂氏已敗遂夷侯封之家甯成南陽穰人也以郎謁者事景帝好氣為小吏必陵其長吏為人上操下急如束溼猾賊任威稍遷至濟南都尉而鄆都為守始前數都尉皆步入府因吏謁守如縣令其畏都如此及成往直凌都出其上都素聞其聲於是善遇與結驩久之都死後長安左右宗室多犯法上乃召成為中尉其治效鄆都其廉弗如然宗室豪傑皆人人惴恐武帝即位徙為內史外戚多毀

兵人比於何等

成之短抵罪髡鉗是時九卿罪死即死少被刑而成極刑自以為不復收乃解脫詐刻傳出關歸家稱曰仕不至一千石賈不至千萬安可比人乎乃貲資陂田千餘頃假貧民役使數千家數年會赦致產數千萬為任俠持吏長短出從數十騎其使民威重於郡守周陽由其父趙兼以淮南王舅侯周陽故因氏焉由以宗家任為郎事文帝景帝時由為郡守武帝即位吏治尚修謹然由居二千石中取為暴酷驕恣所愛者撓法活之所憎者曲法滅之所居郡必夷其豪為守視都尉如令為都尉陵太守奪之治汲黯為枝司馬安之文惡俱在二千石刻同車未嘗敢均茵焉

後由爲河東都尉與其守勝屠公爭權相告言勝屠公當
抵罪議不受刑自殺而由棄市自甯成周陽由之後事益
多民巧法大抵吏治類多成由等矣義縱河東人也少年
時嘗與張次公俱攻剽爲羣盜縱有姊以醫幸王太后太
后問有子兄弟爲官者平姊曰有弟無行不可太后乃告
上上拜義姁弟縱爲中郎補上黨郡中令治敢往少溫籍
縣無逋事舉第一遷爲長陵及長安令直遺行治不避貴
戚以捕按太后外孫修成君子仲上以爲能遷爲河內都
尉至則族滅其豪橫氏之屬河內道不拾遺而張次公亦
爲郎以勇悍從軍敢深入有功封爲岸頭侯甯成家居上

欲以爲郡守御史大夫弘曰臣居山東爲小吏時甯成爲
濟南都尉其治如狼牧羊成不可令治民上乃拜成爲關
都尉歲餘關吏稅肆郡國出入關者號曰寧見乳虎無值
甯成之怒其暴如此義縱自河內遷爲南陽太守聞甯成
家居南陽及至關甯成側行送迎縱氣盛弗爲禮至郡遂
按甯氏破碎其家成坐有罪及孔暴之屬皆奔亡南陽吏
民重足一迹而平氏朱彊杜衍杜周爲縱爪牙之吏任用
遷爲廷尉史軍數出定襄定襄吏民亂敗於是徙縱爲定
襄太守縱至掩定襄獄中重罪輕繫二百餘人及賓客昆
弟私入相視者亦二百餘人縱壹切捕鞠曰爲死

漢史治盜
蒸乃有此
暴行其殘

是日報殺四百餘人郡中不寒而粟猾民佐吏為治是時
趙禹張湯為九卿矣然其治尚寬輔法而行縱以鷹擊毛
華為治後會更五銖錢白金起民為姦京師尤甚乃以縱
為右內史王溫舒為中尉溫舒至惡所為弗先言縱網必
以氣陵之敗壞其功其治所誅殺甚多然取為小治姦益
不勝直指始出矣史之治以斬殺縛束為務閭奉以惡用
矣縱廉其治效邛都上幸鼎湖病久已而卒起幸甘泉道
不治上怒曰縱以我為不復行此道乎衡之至冬揚可方
受告緡縱以為此亂民部吏捕其為可使者天子聞使杜
式治以為廢格沮事棄縱市後一歲張湯亦死王溫舒臨

捕盜

殘賊之魁
乃漢天子
自屈何如

陵人也少時椎埋為姦已而試縣亭長數廢數為吏以治
獄至廷尉史事張湯遷為御史督盜賊殺傷甚多稍遷至
廣平都尉擇郡中豪敢往吏十餘人為爪牙皆把其陰重
罪而縱使督盜賊快其意所欲得此人雖有百罪弗法即
有避回夷之亦滅宗以故齊趙之郊盜不敢近廣平廣平
聲為道不拾遺上聞遷為河內太守素居廣平時皆知河
內豪姦之家及往以九月至令郡具私馬五十疋為驛自
河內至長安部吏如居廣平時方略捕郡中豪猾相連坐
千餘家上書請大者至族小者乃死家盡沒入償滅奏行
不過二日得可事論報至流血十餘里河內皆怪其奏以

殘賊

卷五十八

四

爲神速盡十二月郡中無聲毋敢夜行野無犬吠之盜其
頗不得失之旁郡追來會春溫舒頗足嘆曰嗟乎今冬月
益展一月足吾事矣其好殺行威不愛人如此上聞之以
爲能遷爲中尉其治復放河內徙諸名禍猾吏與從事河
內則揚皆麻戊關中揚贛成信等義縱爲內史憚之未敢
恣治及縱死張湯敗後徙爲廷尉而尹齊爲中尉坐法抵
罪溫舒復爲中尉爲人少文居宅昏昏不辯至於中尉則
心開素習關中俗知豪惡吏豪惡吏盡復爲用吏壽察淫
惡少年投鉅購告言姦置伯落長以牧司姦溫舒多誦善
事有執者卽無執視之如奴有執家雖有姦如山弗犯無

執雖貴威必侵辱舞文巧詆下戶之猾以動大豪其治中
尉如此姦猾窮治大抵盡糜爛獄中行論無出者其爪牙
吏虎而冠於是中尉部中中得以下皆伏有執者爲遊聲
譽稱治數歲其吏多以權貴富溫舒擊東越還議有不中
意坐法免是時上方欲作通天臺而未有人溫舒請覆中
尉脫卒得數萬人作上說拜爲少府徙右內史治如其故
姦邪少禁坐法失官復爲右輔行中尉如故操歲餘會宛
軍發詔徵豪吏溫舒匿其吏華成及人有變告溫舒受員
騎錢它姦利事罪至族自殺其時兩第及兩婚家亦各自
坐它罪而族光祿勳徐自爲曰悲夫夫古有三族而王溫

家直五十
金康吏也
射不可不
恤

舒罪至同時而五族乎温舒死家直繫千金後數歲尹齊亦以淮陽都尉死家直不滿五十金尹齊東郡荏平人也以力筆吏稍遷至御史事張湯湯數稱以為廉武帝使督盜賊斬伐不避貴執遷關都尉聲甚於甯成上以為能拜為中尉吏民益彫敝尹齊木强少文豪惡吏伏匿而善吏不能為治以故事多廢抵罪後復為淮陽都尉所誅滅淮陽甚多及死仇家欲燒其尸妻亡去歸葬楊僕宜陽人也以千夫為吏河南守舉為御史使督盜賊關東治放尹齊以敢擊行稍遷至主爵都尉上以為能南越反拜為樓船將軍有功封將梁侯東越反上欲復使將為其伐前勞以

已不以爲
配矣

書敕責之曰將軍之功獨有先破石門尋陟非有斬將塞旗之為也烏足以驕人哉前破番禺捕降者以為虜掘死人以為獲是一過也建德呂嘉逆罪不容於天下將軍擁精兵不窮追超然以東越為援是二過也士卒暴露連歲為朝會不置酒將軍不念其勤勞而造佞巧請乘傳行塞因用歸家懷銀黃垂三組夸鄉里是三過也失期內顧以道惡為解失尊尊之序是四過也欲請蜀力問君賈幾何對曰率數百武庫日出兵而陽不知挾僞于唐是五過也受詔不至蘭池宮明日又不對假令將軍之吏問之不對令之不從其罪何如推此心在外江海之間可得信乎

今東越深入將軍能率衆以掩過不僕惶恐對曰願盡死贖罪與王溫舒俱破東越後復與左將軍荀彘俱擊朝鮮爲彘所縛還免爲庶人病死減宣楊人也以佐史給事河東守衛將軍青使買馬河東見宣無害言上徵爲廐丞官事辨稍遷至御史及丞使治主父偃及淮南反獄所以徵文深詆殺者甚衆稱爲敢決疑數廢數起爲御史及中丞者幾二十歲王溫舒爲中尉而宣爲左內史其治米鹽事小大皆關其手自部署縣名曹寶物官吏令丞弗得擅撻痛以重法繩之居官數年壹切爲小治辯然獨宣以小至大能自行之難以爲經中廢爲右扶風坐怒其吏成信信

亡藏上林中宣使郿令將吏卒闖入上林中蠶室門攻亭格殺信射中苑門宣下史爲大逆當族自殺而杜周任用杜周南陽杜衍人也義縱爲南陽太守以周爲爪牙薦之張湯爲廷尉史使案邊失亡所論殺甚多奏事中意任用與減宣更爲中丞者十餘歲周少言重遲而內深次骨宣爲左內史周爲廷尉其治大抵放張湯而善侯司上所欲擠者因而陷之上所欲釋久繫待問而微見其寃狀容有謂周曰君爲天下決平不循三尺法專以人主意指爲獄獄者固如是乎周曰三尺安出哉前主所是著爲律後主所是䟽爲令利口也當時爲是何古之法乎至周爲廷尉詔獄亦

益多矣二千石繫者新故相因不減百餘人郡吏太府舉
 之廷尉一歲至千餘章章大者連逮證案數百小者數十
 人遣者數千里近者數百里會獄吏因責如章告効不服
 以掠笞定之於是聞有逮證皆亡匿獄久者至更數赦十
 餘歲而相告言大抵盡誣以不道以上廷尉及中都官詔
 獄逮至六七萬人吏所增加十有餘萬周中廢後爲執金
 吾遂捕桑弘羊衛皇后昆弟子刻深上以爲盡力無私遷
 爲御史大夫始周爲廷史有一馬且不全及久任事列三
 公而兩子夾河爲郡守家訾累巨萬矣治皆酷暴唯少子
 延年行寬厚云是時郡守尉諸侯相三千石欲爲治者大

上復以爲
 能

抵盡效王溫舒等而吏民益輕犯法盜賊滋起南陽有梅
 免百政楚有段中杜少齊有徐勃燕趙之間有堅盧范主
 之屬大郡至數千人擅自號攻城邑取庫兵釋死罪縛辱
 郡守都尉殺二千石爲檄告縣趣具食小羣以百數於是
 上始使御史中丞丞相長史督之猶弗能禁乃使光祿大
 夫范昆諸部都尉及故九卿張德等衣繡衣持節虎符發
 兵以與擊斬首大部或至萬餘級及以法誅通行飲食坐
 相連郡甚者數千人數歲乃頗得其渠率散卒失亡復聚
 黨阻山川徑徑而羣無可奈何於是作沈命法曰羣盜起
 不發覺發覺而捕弗滿品者二千石以下至小吏主者皆

死其後小吏畏誅雖有盜弗敢發恐不能得坐課累府府亦使不言故盜賊寤多上下相為匿以避文法焉

趙禹張湯

趙禹者上以為盡力無私文深者亞夫謂不可以居太尉

趙禹者，繫人以佐史補中都官，用廉為令史，事太尉亞夫。亞夫為丞相，禹為丞相史，府中皆稱其廉平。然亞夫弗任，曰：「極知禹無害，然文深不可以居大府。」今上時禹以刀筆史積勞，稍遷為御史，上以為能，至大中大夫，與張湯論定諸律令，作見知吏傳，得相監司，用法益刻，益自此始。張湯，杜人也，父為長安丞，出湯為兒守舍，還而鼠盜內，父怒，笞湯。湯掘熏得鼠及餘肉，劾鼠掠治，傳爰書，訊鞠論報，并取

鼠與肉，具獄磔堂下。父見之，視其文辭如老獄吏，大驚，遂使書獄。父死，湯給事內史，為寧成掾。丞相武安侯徵湯為吏，薦禰侍御史治陳皇后蠱獄，深竟黨與，上以為能，遷太中大夫。與趙禹共定諸律令，務在深文，拘守職之吏已而禹至少府，湯為廷尉，兩人交驩，兄事禹。禹為人廉倨，為吏以來，舍毋食客。公卿相造請禹，禹終不報謝，務在絕知友賓客之請，孤立行一意而已。見文法輒取，亦不覆案。湯為人多詐，舞智以御人，已心內雖不合，然陽浮慕之。奏讞疑事必豫為上分別其原，上所是受而著讞法廷尉挈令揚王之明，奏事即譴湯摧謝，鄉上意所便，必引正監掾史賢

大是也

史公極情
寫處

者曰固為臣議如上責臣臣弗用愚抵於此罪當釋聞即
奏事上善之曰臣非知為此奏乃正監掾史某為之所治
即上意所欲罪予監史深禍者即上意所欲釋與監史輕
平者所治即豪必舞文巧詆即下戶羸弱時口言雖文致
法上財察於是往往釋湯所言湯至於大吏內行修也通
賓客飲食於故人子弟為吏及貧昆弟調護之尤厚其造
請諸公不避寒暑是以湯雖文深意思不專平然得此聲
譽而深刻吏多為爪牙用者其治淮南衡山江都反獄皆
窮根本嚴助伍被上欲釋之湯爭不可繇是益尊任遷御
史大夫會渾邪等降漢大興兵伐匈奴山東水旱貧民流

亦有明頭

徙皆仰給縣官縣官空虛湯承上指請造白金及五銖錢
籠天下鹽鐵排宮商大賈出告緡令鉏豪彊并兼之家舞
文巧詆以輔法湯每朝奏事語國家用日○聖○主○盱天子忘食丞
相取充位天下事皆決於湯百姓不安其生騷動縣官所
與未獲其利姦吏並浸漁於是痛繩以臯則自公卿以下
至于庶人咸指湯湯嘗病上自至舍視其隆貴如此匈奴
求和親羣臣議前博士狄山曰和親便湯曰此愚儒無知
狄山曰臣固愚忠若御史大夫湯乃詐忠湯之治淮南江
都以深文痛詆諸侯別䟽骨肉使藩臣不自安臣固知湯
之為詐忠於是上作色曰吾使生居一郡能無使虜入盜

小言不酬
人言者現
死矣

藏書

卷五十八

乎。山曰不能。曰居一縣曰不能。復曰居一鄣間。山自度辯窮且下吏曰能。乃遣山乘鄣至。月餘。匈奴斬山頭而去。是後羣臣震聳。湯客田甲雖賈人有賢操。始湯為小吏與錢通。及為大吏而甲所以責湯行義有烈士風。湯為御史大夫。七歲敗河東人李文。故嘗與湯有隙。已而為御史中丞。薦數從中文事。有可以傷湯者。不能為地。湯有所愛史魯謁居。知湯弗平。使人上飛變告文。姦事。事下湯。湯治論殺文。而湯心知謁居為之上。問變事。從迹安起。湯陽驚曰。此殆文故人怨之謁居。病臥閭里。主人湯自往視病。為謁居摩足。趙國以治鑄為業。王數訟鐵官事。湯常排趙王。趙王

求湯陰事。上書告湯大臣也。史謁居有病。湯至為摩足。疑與為大姦事。下廷尉謁居。病死。事連其弟。弟繫導官。湯亦治它囚。導官見謁居弟欲陰為之。而陽不省謁居弟不知怨湯。使人上書告湯與謁居謀其變。告李文。事下減宣。宣嘗與湯有隙。及得此事。窮竟其事。未奏也。會人有盜發孝文園。塞錢丞相青翟朝與湯約。俱謝至前。湯念獨丞相以四時行園。當謝湯無與也。不謝丞相。上使御史案其事。湯欲致其文丞相見知丞相患之。三長史皆害湯欲陷之。始長史朱買臣素怨湯。王朝齊人以術至右內史。邊通學短長。剛暴人也。官至濟南相。故皆居湯右。已而失官守長

藏書

殘賊

卷五十八

七

史、訕、體、於、湯、湯、數、行、丞、相、事、知、此、三、長、史、素、貴、常、陵、折、之、
 故、三、長、史、合、謀、曰、始、湯、約、與、君、謝、已、而、賣、君、今、欲、劾、君、以、
 宗、廟、事、此、欲、代、君、耳、吾、知、湯、陰、事、使、吏、捕、案、湯、左、田、信、等、
 曰、湯、且、欲、為、請、奏、信、輒、先、知、之、居、物、致、富、與、湯、分、之、及、它、
 姦、事、事、辭、頗、聞、上、問、湯、曰、吾、所、為、賈、人、輒、知、益、居、其、物、是、
 類、有、以、吾、謀、告、之、者、湯、不、謝、又、陽、驚、曰、固、宜、有、減、宣、亦、奏、
 謁、居、事、上、以、湯、懷、詐、面、欺、使、使、八、輩、簿、責、湯、湯、具、自、道、無、
 此、不、服、於、是、上、使、趙、禹、責、湯、禹、至、讓、湯、曰、君、何、不、知、分、也、
 君、所、治、夷、滅、者、幾、何、人、矣、今、人、言、君、皆、有、狀、天、子、重、致、君、
 獄、欲、令、君、自、為、計、何、多、以、對、為、湯、乃、為、書、謝、曰、湯、無、尺、寸、

誨忠之
循信

不治生
取也

之、功、起、刀、筆、吏、陞、下、幸、致、位、三、公、無、以、塞、責、然、謀、陷、湯、者、
 三、長、史、也、遂、自、殺、湯、死、家、產、直、不、過、五、百、金、皆、所、得、奉、賜、
 無、它、贏、昆、弟、諸、子、欲、厚、葬、湯、湯、母、曰、湯、為、天、子、大、臣、被、惡、
 言、而、死、何、厚、葬、為、載、以、牛、車、有、棺、而、無、槨、上、聞、之、曰、非、此、
 毋、不、生、此、子、乃、盡、按、誅、三、長、史、丞、相、青、翟、自、殺、出、田、信、上、
 惜、湯、復、稍、進、其、子、安、世、趙、禹、中、廢、已、而、為、廷、尉、始、條、侯、侯、以、
 為、禹、賊、深、弗、任、及、禹、為、少、府、比、九、卿、禹、酷、急、至、晚、節、事、益、
 多、吏、務、為、嚴、峻、而、禹、治、加、緩、而、名、為、平、王、溫、舒、等、後、起、治、
 酷、於、禹、禹、以、老、徒、為、燕、相、數、歲、亂、悖、有、罪、免、歸、後、湯、十、餘、
 年、以、壽、卒、于、家、

藏書

殘賊

卷五十一

十一

江充

江充趙國邯鄲人充本名齊有女弟善鼓琴歌舞嫁之趙太子丹齊得幸於趙敬肅王太子疑齊以已陰私告王與齊忤使吏逐捕齊不得收繫其兄父按驗皆棄布齊遂絕迹亡西入關更名充詣闕告太子丹與同產姊及王後宮姦亂交通郡國豪猾攻剽爲姦吏不能禁書奏天子怒遣使者詔郡發吏卒圍趙王宮收捕太子丹移繫衛郡詔獄與廷尉雜治法至死趙王彭祖帝異母兄也上書訟太子臯言充逋逃小臣苟爲姦僞激怒聖朝欲取必於萬乘以復私怨臣願選從趙國勇敢士從軍擊匈奴極盡死力以

可做名

贖丹罪上不許竟敗趙太子以充爲直指繡衣使者督三輔盜賊禁察踰後貴戚近臣多奢僭充皆舉劾奏請沒入車馬令身待北軍擊匈奴奏可充卽移書光祿勳中黃門逮召近臣侍中諸當詣北軍者移劾門衛禁止無令得出入官殿於是貴戚子弟惶恐皆見上叩頭求哀願得入錢贖罪上許之令各以秩次輸錢北軍凡數千萬上以充忠直奉法不阿所言中意充出逢館陶長公主行馳道中充呵問之公主曰有太后詔充曰獨公主得行車騎皆不得盡劾沒入官後充從上甘泉逢太子家使乘車馬行馳道中充以屬吏太子聞之使人謝充曰非愛車馬誠不欲令

上聞之，以教敕亡素也。唯江君寬之，充不聽，遂白奏。上曰：人臣當如是矣。大見信用，威震京師，遷爲水衡都尉。後上幸甘泉，疾病，充見上年老，恐晏駕，後爲太子所誅，因是爲姦。奏言上疾祟在巫蠱，於是上以充爲使者，治巫蠱。充將胡巫，掘地求偶人，捕蠱，及夜祠視鬼，染汗令有處，輒牧捕驗治，燒鐵鉗灼強服之。民轉相誣以巫蠱，吏輒劾以大逆無道，坐而死者前後數萬人。是時上春秋高，疑左右皆爲蠱祝，詎有與亡，莫敢訟其寃。充既知上意，因言宮中有蠱，氣先治，後官希幸夫人，以次及皇后，遂掘蠱於太子官，得桐木人，太子懼，不能自明，收充自臨斬之，罵曰：趙虜前亂。

乃國王父子不足耶，乃復亂吾父子也。太子由是遂敗，後武帝知充有詐，夷充三族。

嚴延年

嚴延年，字次卿，東海下邳人。父爲丞相掾，延年少學法律，丞相府歸爲郡吏，以選除補御史掾，舉侍御史。是時大將軍霍光廢昌邑王，尊立宣帝，宣帝初卽位，延年劾奏光擅廢立亡人，臣禮不道，奏雖寢，然朝廷肅焉，敬憚。延年後復劾大司農田延年，持兵于屬車，反致譴責，坐法至死。延年亡命，會赦出，復爲掾，宣帝識之，拜平陵令，坐殺不辜，去官。又爲丞相掾，復擢好時，今遷涿郡太守時，郡比得不能太。

守涿人罪野白等由是廢亂大姓西高氏東高氏自郡吏以下皆畏避之莫敢與牾咸曰寧負二千石無負豪大家賓客放爲盜賊發輒入高氏吏不敢追浸浸日多道路張弓拔刃然後敢行延年至遣掾蠡吾趙繡按高氏得其死罪繡見延年新將心內懼卽爲兩劾欲先白其輕者延年年意怒乃出重劾延年已知其如此矣趙掾至果白其輕者延年索懷中得重劾卽收送獄夜人晨將至市論殺之先所按者死史皆股栗更遣吏分考兩高窮竟其姦誅殺各數十人郡中震恐三歲遷河南太守賜黃金二十斤豪疆脇息野無行盜威震旁郡其治務在摧折豪疆扶助貧弱

剛句可刪

人亦有言
放下屠刀
卽是佛不
知執着屠
亦是佛業
便然也若
皆伯真可
謬矣

貧弱雖陷法曲文以出之其豪傑侵小民者以文內之衆人所謂當死者一朝出之所謂當生者詭殺之吏民莫能測其意深淺戰栗不敢犯禁按其獄皆文致不可得反延年爲人短小精悍敏捷于事雖子貢冉有通藝于政事不能絕也吏忠盡節者厚遇之如骨肉皆親鄉出身不顧以是治下無隱情然疾惡泰甚中傷者多尤巧爲獄文善史書所欲誅殺奏成于手中主簿親近吏不得聞奏可論死奄忽如神冬月傳屬縣囚會論府上流血數里故河南號曰屠伯是時張敞爲京兆尹素與延年善敞治雖嚴然尚頗有縱舍聞延年用刑刻急以書諭之曰昔韓盧之取菟

也。上觀下獲，不甚多殺。願次卿少緩誅罰，思行此術。延年報曰：河南天下咽喉，二周餘斃，莠盛苗穢，何可不鉏？自矜其能，終不衰止。時黃霸在潁川，以寬恕為治。時年屢豐，鳳皇來下，上賢霸，下詔稱揚其行，加金爵之賞。延年素輕霸為人，及比郡為守，褒賞反在已前，心內不服。河南界中又有蝗蟲，府丞義出行蝗，還見延年，延年曰：「此蝗豈鳳皇食邪？」義又道司農中丞耿壽昌為常平倉，利百姓。延年曰：「丞相御史不知為也，當避位去。」壽昌安得權此？後左馮翊缺，上欲徵延年，符已發，為其名酷，復止。延年疑少府梁丘賀毀之，心恨會延年察獄史廉有臧，不入身，坐選舉不實，貶

略吏之
得報亦
重

秩延年笑曰：「後敢復有舉人者矣。」丞義年老頗悖，素畏延年，恐見中傷。延年本嘗與義俱為丞相史，實親厚，義無意傷義也。饋遺義甚厚，義愈恐，自筮得死卦，忽忽不樂。因取告至長安，上書言延年罪名十事，已拜奏。即飲藥自殺，以明不欺事。下御史丞按驗，有此數事。延年坐怨望，非訪政治，不道棄市。初，延年母從東海來，欲從延年，臘到雒陽，適見報囚，母大驚，便止都亭，不肯入府。延年出至都亭，謁母，母閉閣不見。延年免冠頓首閣下，良久，母乃見之。因數責延年，幸得備郡守，專治千里，不聞仁愛教化，有以全安愚民，顧乘刑罰多殺，欲以立威，豈為民父母意哉？延年服罪。

重頓首謝因自爲母御歸府舍母罪正臘謂延年曰天道神明人不可獨殺我不意當老見壯子被刑戮也行矣去女東歸掃除墓地耳遂去歸郡見昆弟宗人復爲言之後歲餘果敗東海莫不賢知其母延年兄弟五人皆有吏材至大官東海號曰萬召嚴嫗次弟彭祖至太子太傅

裴延齡

裴延齡河中人盧杞秉政引爲膳部員外郎延齡素不善財計乃取宿姦老吏與謀以固帝幸因建言左藏天下歲入不貲耗登不可校請別舍以檢盈虛於是以天下宿負八百萬緡析爲負庫抽貫三百萬緡爲贖庫樣物三十萬

無政事而
足財用信
米之有

緡爲季庫帛以素出以色入者爲月庫帝皆可之然天下負皆窮人償入無期抽貫與給皆盡樣物與帛固有藉延齡但多其簿叢吏員以詭帝實于財用無所加也俄奏請令京兆府以兩稅青錢市草百萬圍送苑中宰相陸贄趙憬以爲若市送百萬圍卽一府百姓自冬歷夏般載不了百役供應須悉停罷請令府縣量市三二萬圍各貯近處他時要卽支用不從他日帝謂延齡曰朕所居浴堂殿一棟將壓念易之未能也延齡曰宗廟至重殿棟微矣且陛下本分錢用之亾窮帝驚曰本分錢奈何對曰此在經誼愚儒不能知按禮天下賦三之一以克乾豆一以事賓客

一君之庖厨陛下所御饗餼簡儉以所餘爲百官廩料殮錢未盡也則所不盡者爲本分錢以治殿數十尚不乏况一棟哉帝頷曰人未嘗爲朕言之又造神龍佛祠須材五十尺延齡妄奏同州得大谷木數十章度皆八十尺帝曰吾聞開元時近山無巨木皆求之嵐勝間今何地之近材之良邪延齡曰異材瑰產處處有之待聖主乃出今生近輔豈開元所當得也帝悅是時陸贄極論其譎妄不可任帝以爲排媚愈益厚延齡會監鉄使張滂京兆尹李克司農卿李銛皆指延齡專以儉僞罔上帝怒乃罷贄宰相左除滂等官延齡又言贄等失權怨望天子惑之乃下詔斥

是日人材

逐贄等朝廷震恐延齡資苛刻又劫于利專剝下附上肆騁譎怪其進對皆他人莫敢言而延齡言之不疑亦人之所未聞者帝頗知其詐但以其不隱欲聞外事故斷用之屬疾卧第使者日三四輩旣死悼念不已焉初陽城自處士爲諫議大夫天下皆想望風采旣至官日夜痛飲韓愈作爭臣論以諷之城亦不以屬意及贄等貶上怒未解中外惴恐無敢救者城卽帥拾遺王仲舒歸登等守延英門上疏論延齡姦邪贄等無罪上大怒欲加城等罪太子爲之營救乃解張萬福聞之伏延英門大言賀曰朝廷有直臣天下必太平矣遂徧拜城與仲舒等已而連呼太平萬

歲萬福武人自此名重天下

皇甫鑄

皇甫鑄登進士第累遷司農判度支改戶部侍郎憲宗方伐蔡鑄哀會嚴亟以辦濟師帝悅進兼御史大夫蔡平遂同平章事猶領度支崔羣裴度極論鑄姦邪苛刻其辭切至帝以天下略平欲崇臺沼宮觀自娛鑄與程異知之故數貢羨財又賂吐突承璀爲與援以故帝排衆論決任之反以度爲朋黨不納其言帝敕內帑所餘詔度支評直鑄貴售之以給邊兵故繒陳絲觸手輒壞邊士怨恨聚而焚之裴度以聞鑄指所著鞞曰此內庫所出牢韌可服彼言

不可信也鑄又與金吾將軍李道古共薦方士柳泌浮屠大通爲長年藥帝惑之穆宗在東宮聞其姦妄始聽政貶鑄崖州司戶叅軍卒泌自云能致不死藥因言天台山仙靈所居多異草願官天台乃拜泌天台刺史賜金紫諍臣固諫以爲列聖亦有寵方士者未嘗使牧民帝曰煩一州而致長年于君父何惜乎乃不敢言泌驅吏民采藥山谷鞭笞苛急竟無所獲懼詐窮舉族遁去浙東觀察使捕得之鑄與道古營解復得待詔翰林大通自言百五十歲及鑄事敗乃與柳泌并誅泌繫京北府獄吏責泌泌荅曰皆道古皇甫鑄教我也

蔡確

蔡確字持正，晉江人。父徙陳，確有智數，不謹細行。第進士，調邠州司理參軍，以賄聞，轉運使薛何行部，欲按治之。見其儀觀秀偉，召與語，反以爲奇，更加延譽。韓絳宣撫陝西，見確所製樂語，亦以爲材，薦於開封尹韓維。維絳弟也，維又薦之。安石、安石用鄧綰，薦爲監察御史，裏行。時開封府鞠伯州民訟事，連判官陳安民、安民令其甥文及甫求援於宰相吳充之子安持。確言事關大臣，非開封府可了，遂移御史臺。中丞鄧潤甫，御史上官均，按之亦與開封府獄同事，多不讐。王珪奏遣確詣臺參治，確遂鍛鍊成獄。潤甫

不能制，密奏確慘掠罪。囚確伺知之，詐使吏爲使者，虛問囚若稱冤，輒加苦辱。及帝連遣諫官內侍審直，囚皆怖畏，言不寃矣。由是潤甫均罷，而確得中丞，猶領司農。凡常平免役法皆成其手。大學生虞蕃訟其學官，確深探其獄，連引朝士自翰林學士許將以下皆逮捕械繫，令獄卒與同寢處，飲食旋溷，其爲一室。設大盆於前，凡羹飯餅，截舉投其中，以杓混擾，分飼之。如大豕，久繫不問，幸而得問，則一一皆承，遂劾參知政事元絳有所屬，請出絳知亳州，而確代其位。確自知制誥爲御史中丞，參知政事皆以起獄奪人位而居之。士大夫支口咄罵，而確自以爲得計。吳充

數為帝言新法不便確曰曹叅與蕭何有隙至代為相一
是故惡夫 遵何約束且法陛下所建立一人協相而成之一人挾怨
而壞之民何所措手足乎充屢屈法遂不變元豐五年拜
尚書右僕射兼中書侍郎確既相屢與羅織之獄縉紳士
大夫重足而立矣初議官制蓋倣唐六典事無大小並
書取旨門下審覆尚書受而行之三省分班柄歸中書確
說王珪曰公在相位久必得中書令珪信之確乃言於帝
曰三省長官位高不須置令但令左右僕射分兼兩省侍
即足矣帝以為然故確名為次相實顯大政珪以左僕射
兼門下拱手而已哲宗立確轉左僕射兼門下韓縝入相

以獄起家

中書用其兩姪為列卿確風御史中丞劾縝始詔三省凡
取旨事及台諫官章疏並執政同進擬不專屬中書蓋確
畏失權又復改制也元祐元年罷確知陳州又奪職徙鄧
州初神宗疾革王珪議建儲事確與同列皆在側知狀及
確出守鄧陰與章惇邢恕等合謀謂珪當日懷異意願已
擁護故不得逞欲以上誣高太后下陷珪等結帝之歡以
固寵專權賴故諫議大夫張燾范神禹司諫吳安詩王巖
叟正言劉安世等連上章乞正確罪乃復責確英州別駕
新州安置確遂卒于貶所先是神宗謂執政曰御史大夫
非司馬光不可王珪憂甚計不知所出確曰陛下久欲收

有求旨而
不得在三
旨宰相下
矣

靈武公能任責則相位可保也珪喜謝確珪遂薦俞克帥
慶使上平西夏策珪意以為上既用兵必不召光雖召光
必不至已而果不召光永樂之敗死者十餘萬人珪實為
之而確實啓之也珪自執政至宰相凡十六年率導諛將
順當時日為三旨宰相以其上殿進呈云取聖旨上可否
託領聖旨退諭稟事者云得聖旨也

邢恕

恕陽武人從程顥學因出入司馬光呂公著之門神宗不
豫恕與蔡確密謀語宣仁后之姪公繪曰家有白桃著花
道書言可療上疾邀與歸視之至則執其手曰蔡丞相令

邢賊甚可

唐亦智

布腹心上疾不可諱延安冲幼雍曹皆賢王也公繪驚曰
此何言哉君欲禍吾家耶急趨出恕計不行反宣言太后
屬意雍王與王珪為表裏恕因導確約珪入問疾陽鈞致
珪語使知開封府蔡京伏劔士於外須珪小持異則執而
誅之既而珪言上自有子定議立延安矣恕益無所施哲
宗立遷起居舍人又為公繪具奏乞尊崇朱太妃為高氏
異自計后詰之曰汝素不識字誰為之者公繪不得隱以
恕對具上其藁恕遂出知隨州恕久斥外蓄憤怨間道謁
確於鄧州時確再貶守鄧也恕遂與確謀日者所造定策
事及司馬康赴闕恕招康道河陽因勸康作書稱確康與

怨同年登科，怨又出其父光門下，信之。怨本意謂康司馬光之子也。既云爾，則確定策事可信無疑。會吳處厚、梁燾等奏確與怨成指康書為証，故確遂遠竄。怨亦坐責監承州酒稅。章惇、蔡卞得政，復引怨自助，召為御史中丞。怨既處風憲，遂証宣仁后有廢立謀，又教蔡懋上文及甫私牘，歷詆梁燾、劉摯云陰圖不軌，加司馬光、呂公著以凶惇名。惇使蔡京置獄於同文館，組織萬端，將悉陷諸人於族。有高士京者嘗與怨同官，怨一日置酒問曰：「公知元祐間獨不與先公推恩否？」士京曰：「不知。」又問：「有兄弟無？」士京曰：「有。」兄士充已死，怨曰：「此乃傳王珪語言之人也。」當是時，王珪

為相，欲立徐王，遣公兄士充傳道語言禁中，知否？士京曰：「不知。」怨因誘士京以官爵曰：「公不可言，不知當為公作此事。」因令所親信為士京作奏上之，珪由是得罪，而怨得數登對。後揣帝薄惇，屢言惇短，故為惇所陷。出知汝川，徽宗初，蔡京當國，經營湟鄯，起怨為鄜延經略安撫使，旋改涇原，怨乞築蕭關采車戰法為淺攻計，又欲使熙河造船，直抵興靈以空夏國巢穴，其謀皆迂誕類兒戲，不可用。帝亦燭其妄，而京力主之。已而夏人寇鎮戎，欲趨渭川，警奏至京師，京懼，怨乃奪職。卒年七十。怨本從程門，得游諸公卿間，而反覆行險為司馬、光、容，即陷司馬、光，附章、惇，即背章。

感

惇至與三蔡為心腹上誦母后下誣忠良非宣仁后聖慈深信帝心中外咸戴則禍及宗社矣

史嵩之 附彌遠

嵩之彌遠之侄歷進士累官知襄陽府嵩之既相一時正人如杜範游似李韶趙汝騰等皆以不合逐去淳祐四年嵩之遭父喪起復太學生黃愷伯等皆上書論之不報及杜範入相延徐元杰議政事六月朔元杰當侍立先一日謁左相范鍾歸而熱大作夜四鼓指爪忽裂遂死三學諸生相繼伏闕上言昔小人傾君子者不過使之死于蠻烟瘴雨之鄉今蠻烟瘴雨不在嶺海而在朝廷矣詔付臨安

高無成而
死於毒者
相踵

府鞠治常所給使之入獄迄無成劉漢炳亦每以奸邪為慮未幾腫疾暴歿杜範入相八十日卒時謂諸公皆中毒堂食無敢下筋者初嵩之從子璟卿嘗以書諫曰伯父秉天下之大政未聞辦天下之大事徒聞包苴公行政出多門便嬖私昵狼狽萬狀自開督府東南民力困於供需州縣倉卒匱於應辦輦金帛輓芻粟者絡繹於道路一則曰督府二則曰督府不知所幹者何事所成者何功近聞蜀州不守議者多歸咎退師於鄂之失何者分戍列屯備邊禦戎首尾相援如常山之蛇維揚則有趙蔡廬江則有杜伯虎金陵則有劉之傑為督府者宜據鄂渚形勢之地西

可以援蜀東可以救淮北可以鎮荆湖不此之圖蓋指籬
離深入堂奧伯父謀身自固之計得矣其如天下蒼生何
是以饑民叛將乘虛入擣侵軼於沅湘搖蕩於鼎澧江陵
之勢苟孤則武昌亦未易守荆湖之路有警則江浙諸郡
又焉得高枕而臥也况殺降失信則前日徹疆之計不可
復用矣內地失護則前日清野之策不可復施矣此隙一
開東南生靈特几上之肉耳宋室南渡之疆土惡能保其
金甌之無闕也人謂禍起蕭牆危如朝露此愚所痛心疾
首爲伯父苦口極言者也居無何而璟卿又暴卒

史彌遠慶元鄞人宰相浩之子也淳熙十四年舉進士

侂胄誅彌遠相寧宗共十有七年寧宗崩彌遠廢濟王立
理宗又獨相九年擅權用事專任檢壬理宗德其立已之
功雖臺諫言其姦惡弗恤也濟王竑者孝宗子魏王愷子
柄之嗣子也柄薨封沂王初柄無子詔以竑爲其後及太
子詢薨上乃立竑爲皇子竑好鼓琴彌遠買媼人善鼓琴
者納諸御而厚廩其家使媼人聞竑動息以告美人知書
慧點竑嬖之宮嬖有地圖竑指瓊厓曰吾他日得志置
史彌遠於此又常呼彌遠爲新恩以他日非新州則恩州
也竑又書字於几曰彌遠當決配八千里竑左右皆彌遠
心腹彌遠日夕思以處竑而竑不知真德秀時兼宮教因

力辭去位。臨行諫曰：「太子若能孝于慈母而敬大臣，則天命歸之矣。不然可慮也。」宗子貴誠，初名與莒，係燕懿王德昭之後。其母全氏家于山陰。初慶元人余天錫為彌遠府童子師，彌遠以帝未有儲嗣而沂王亦未有後，欲借沂王置後為名，陰擇宗室可立者以備皇子之選。會天錫告還鄉，彌遠密語之曰：「沂王無後，宗子賢者幸具以來。」天錫抵紹興會大雨過，全保長家保長知其為丞相館客，具鷄黍甚肅。須臾二子立侍，保長曰：「此吾外孫趙與莒與芮也。」日者嘗言二兒後當極貴。天錫因憶彌遠言及還臨安以告彌遠，乃使天錫密語保長載至臨安，補與莒秉義郎，賜名

貴誠，立為沂王後。更名昀。十七年帝大慚，彌遠夜為昀入宮立為皇子，即帝位而廢竑。為濟王。彌遠及鄭清之之謀也。

陳明卿曰：卓吾既罵道學不宜賊，邢恕矣。賊邢恕亦宜罵道學矣。

拜卓為并州牧，令以兵屬皇甫嵩。卓狼不受命，及帝崩大得事何進，司隸校尉袁紹謀誅宦官而太后不許，乃私

藏書賊臣傳卷之五十八

冊之後其母全氏家于山陰初慶元入余天錫為彌遠府
童子師彌遠以帝未有儲嗣而沂王亦未有後欲借沂王
置後為各陰擇宗室可立者以備皇子之選會天錫告
宜黜庶學矣沂王無後宗子賢者幸具以來天錫反
刺即曰卓吾獨異庶學不宜類泯矣類泯終不
立為皇子則帝立而亂茲為齊王爾豈又曠書之
貴始立為王沂王與各即十王帝大謝爾豈亦與

藏書賊臣傳卷五十九

逆賊六

董卓

董卓臨洮人卓膂力過人雙帶兩鞬左右馳射為羌胡所
畏中平三年韓遂馬騰反圍陳倉拜卓前將軍與左將軍
皇甫嵩擊破之六年徵卓為少府不肯就靈帝寢疾璽書
拜卓為并州牧令以兵屬皇甫嵩卓復不受命及帝崩大
將軍何進司隸校尉袁紹謀誅宦官而太后不許乃私呼
卓將兵入朝以脅太后卓得召即時就道上書曰中常侍
張讓等竊倖承寵濁亂海內臣聞揚湯止沸莫若去薪潰

藏書

逆賊

卷五十九

一

癰雖痛勝於內食昔趙鞅興晉陽之甲以逐君側之惡今臣輒鳴鍾鼓如洛陽請收讓以清姦穢卓未至而何進敗虎賁中郎將袁術乃燒南宮欲討宦官而中常侍段珪等劫少帝及陳留王夜走小平津卓引兵急進未明到城西聞少帝在北芒因往迎帝帝見卓將兵卒至恐怖涕泣卓與言不能辨與陳留王語遂及禍亂之事卓以王為賢且為董太后所養卓自以與太后同族有廢立意初卓之入也步騎不過三千自嫌兵少恐不為遠近所服率四五日輒夜潛出軍近營明旦乃大陳旌鼓而還以為西兵復至尋而何進及弟苗先所領部曲皆歸於卓卓又使呂布殺

執金吾丁原而并其眾卓兵士大盛乃廢帝為弘農王而立陳留王是為獻帝又以何太后賊迫永樂太后至今憂歿逆婦姑之禮遷於永樂宮遂以弑崩是時洛中貴戚室第相望金帛財產家家殷積卓縱放兵士大掠淫虜婦女謂之搜牢人情崩潰卓又姦亂公主妻略宮人恣意殺虐時有會於社下者悉令就斬之駕其車重截其婦女以頭繫車轅歌呼而還又壞五銖錢更鑄小錢悉取洛陽及長安銅人鍾虞飛廉銅馬之屬以充鑄時以為秦始皇見長人於臨洮乃鑄銅人卓臨洮人也而今毀之雖成毀不同凶暴相類焉初入京師雖行無道而猶忍性矯情擢用羣

士任吏部尚書周恣侍中伍瓊以尚書韓馥爲冀州刺史
侍中劉岱爲兖州刺史孔伷爲豫州刺史張咨爲南陽太
守初平元年馥等到官與袁紹各興義兵同盟討卓而伍
瓊周恣陰爲內主黃巾餘黨又衆十餘萬轉寇太原破河
東卓遣中郎將牛輔擊之不能却及聞東方兵起乃鳩殺
弘農王欲徙都長安太尉黃琬司徒楊彪爭之不能得而
伍瓊周恣又固諫卓因大怒曰卓初入朝二子勸吾用善
士而諸君到官卽舉兵相圖此二君賣卓卓何用相負遂
斬瓊恣而遷西都初長安遭赤眉之亂宮室營寺焚滅無
餘於是盡徙洛陽數百萬人口於長安步騎驅蹙更相蹈

籍饑餓寇掠積尸盈路卓自屯留畢圭范中悉燒洛陽宮
廟官府人家二百里內無復孑遺又使呂布發諸帝陵及
公卿以下冢墓收其珍寶而入長安百官奉迎拜揖卓遂
僭擬車服乘蓋兄弟諸子皆典兵事結壘于長安城東以
白居又築塢於鄠高厚七丈號曰萬歲塢積穀爲三十年
儲自云事成雄據天下不成守此足以畢老嘗至鄠行塢
公卿以下祖道於橫門外卓施帳幔飲設誘降北地反者
數百人於中殺之先斷其舌次斬手足次鑿其眼目以鑊
煮之未及得歿偃轉杯案間會者戰慄亡失匕箸而卓飲
食自若諸將有言語蹉跌便戮於前時王允與呂布及僕

氣短

射士孫瑞謀誅卓有人書呂字於布上負而行於市歌曰
布乎布乎三年大會未央殿卓朝服升車陳兵夾道自歸
及宮左步右騎屯衛周市令呂布等扞衛前後王允乃與
士孫瑞密表其事使瑞自書詔以授布令騎都尉李肅與
布同心勇士十餘人僞着衛士服於北掖門內以待卓卓
將至馬驚不行怪之欲還呂布勸令進遂入門肅以戟刺
之衷甲不入傷臂墮車顧大呼曰呂布何在布曰有詔討
賊卓大罵曰庸奴敢如是邪布應聲持矛刺卓趨兵斬之
馳齎赦書以令宮陛內外士卒皆稱萬歲百姓歌舞於道
長安中士女賣其珠玉衣裝市酒肉相慶者填滿街肆乃

尸卓於市天時始熱卓素充肥脂流於地守尸吏燃火置
卓臍中光明達曙如是積日又聚董氏之尸焚之塲中珍
藏有金三萬斤銀九萬斤錦綺纈縠統素奇玩如丘山積
呂布五原人以弓馬驍武給并州刺史丁原為騎都尉甚
見親待靈帝崩原受何進召將兵詣洛陽會進賂董卓誘
布殺原而并其兵卓以布為騎都尉誓為父子甚愛信之
行止嘗以布自衛布嘗小失卓意卓授手戟擲之布拳捷
得免而改容謝卓卓亦解布由是陰怨卓卓又使布守中
閣而私與傳婢通又不自安因往見司徒王允自陳卓見
殺之狀時允與尚書僕射士孫瑞密謀誅卓因以告布使

為內應布曰如父子何曰君自姓呂本非骨肉今憂死且不暇擲戟之時豈有父子情也布許之乃與殿門刺殺卓
允以布為奮威將軍封溫侯及卓將李傕等相結還攻長
安布與傕戰敗乃將數百騎以卓頭繫馬鞍走出武關奔
南陽袁術術待之甚厚布自恃殺卓有德袁氏恣兵抄掠
術患之布復去從張揚時李傕等購募求布急揚諸將皆
欲圖之布懼謂揚曰與鄉州里今見殺其功未必多不如
生賣布可大得爵寵有頃布得走投袁紹紹與布擊張燕
於常山燕精兵萬餘騎數千匹布嘗御良馬號曰赤兔能
馳城飛塹與其健將數十騎馳突燕陣一日或至三四皆

斬首而出遂破燕軍布既恃其功更請兵於紹紹不許布
不自安因求還洛陽紹遣壯士送布而陰使殺之布疑其
圖已乃使人鼓箏於帳中潛自遁出及夜起兵而布已亡
歸陳留太守張邈矣邈與弟超及陳宮等迎布為兗州牧
據濮陽郡縣皆應之曹操聞而引兵擊布時劉備領徐州
居下邳與袁術相距於淮上術欲引布擊備乃與布書許
助軍糧布得書大悅即勒兵襲下邳獲備妻子備敗走海
西飢困請降於布布亦恚術糧不復繼乃具車馬迎備以
為豫州刺史遣屯小沛布自號徐州牧術懼布為害復遣
人與布求婚而遣紀靈等將步騎二萬攻備備求救於布

布謂靈曰玄德布弟也今為諸君所困故來救之布性不
 喜合鬪但喜解鬪耳乃令軍候植戟於營門彎弓顯謂曰
 諸君觀布射戟小支中者當各解兵不中可留決鬪布一
 發正中戟支靈等皆驚遂罷去及術遣韓胤來迎婦陳珪
 不欲布與術成姻往說布曰曹公奉迎天子輔贊國政將
 軍宜與協謀今與袁氏姻必受不義之名矣布亦素怨術
 而女已在途乃追還執胤送許曹操殺之陳珪復使子登
 詣操因言呂布勇而無謀輕於去就操拜登為廣陵太守
 臨別執登手令陰合部眾以為內應時布因登欲求徐州
 牧登還布怒拔戟斫几曰卿父勸布協同曹操絕婚公路

八字大支

好

今吾所求無獲而卿父子並顯重但為卿所賣耳登不為
 動徐對之曰登兄曹公言養將軍辟如養虎當飽其肉不
 飽則將噬人曹公曰不如卿言辟如養鷹饑則為用飽即
 颺去其言如此布意乃解袁術怒布殺韓胤遣其大將與
 韓暹楊奉連勢攻布布時兵只二千馬四百疋懼不敵謂
 陳珪曰今致術軍卿之由也為之奈何珪曰暹奉與術卒
 合之師爾謀無數定子登策之比之連雞執不俱棲立可
 離也布用珪策與暹奉書暹奉大喜遂其擊術建安二年
 布復從袁術遣高順攻劉備於沛破之操乃自將擊布至
 下邳城下遣布書為陳禍福布欲降而陳宮等自以負罪

於、得、深、沮、其、計、謂、布、曰、曹、公、遠、來、勢、不、能、久、將、軍、若、以、步、
騎、出、屯、于、外、宮、將、餘、衆、閉、守、於、內、若、向、將、軍、宮、引、兵、而、攻、
其、背、若、但、攻、城、則、將、軍、救、於、外、不、過、旬、月、軍、食、已、盡、擊、之、
可、破、也、布、然、之、布、妻、曰、昔、曹、氏、待、公、臺、如、赤、子、猶、舍、而、歸、
我、今、將、軍、厚、公、臺、不、過、於、曹、氏、而、欲、委、全、城、捐、妻、子、孤、軍、
遠、出、乎、若、一、旦、有、變、妾、豈、得、爲、將、軍、妻、哉、布、乃、止、曹、操、圍、
城、三、月、土、下、離、心、布、乃、降、布、見、操、曰、今、日、已、在、天、下、定、矣、
操、曰、何、以、言、之、布、曰、明、公、之、所、患、不、過、於、布、今、已、服、矣、令、
布、將、騎、明、公、將、步、天、下、不、足、定、也、顧、謂、劉、備、曰、玄、德、卿、爲、
上、客、我、爲、降、虜、繩、縛、我、急、獨、不、可、一、言、耶、操、笑、曰、縛、虎、不、

得、不、急、乃、命、緩、布、縛、劉、備、曰、不、可、明、公、不、見、呂、布、事、丁、建、
陽、董、太、師、乎、操、領、之、布、目、備、曰、大、耳、兒、最、叵、信、操、謂、陳、宮、
曰、公、臺、平、生、自、謂、智、有、餘、今、何、如、宮、指、布、曰、是、子、不、用、宮、
言、以、至、於、此、若、見、從、未、可、量、也、操、又、曰、奈、卿、老、母、何、宮、曰、
老、母、在、公、不、在、宮、也、夫、以、孝、理、天、下、者、不、害、人、之、親、操、復、
曰、奈、卿、妻、子、何、宮、曰、宮、聞、霸、王、之、主、不、絕、人、之、祀、固、請、就、
刑、遂、出、不、顧、操、爲、流、涕、布、及、宮、順、皆、被、殺、卓、吾、曰、此、段、妙、
甚、英、雄、問、答、如、見、也、

王敦

敦字處仲。司徒導之從父兄也。敦少有奇人之目。尚武帝

女襄城公主拜駙馬都尉元帝初鎮江東以敦為元帥進
 鎮東大將軍江州刺史封漢安侯敦始自選置兼統州郡
 專擅之迹肇矣時劉隗用事頗踈問王氏敦上疏訟導功
 德表至導封還敦敦復遣入奏敦初有重名又立大功既
 專閫外之寄手控強兵羣從貴顯故帝畏而惡之而引劉
 隗刁協等以為心膂敦不能平將作亂謂謝鯤曰劉隗姦
 邪將危社稷吾欲除君側之惡何如鯤曰隗誠始禍然城
 狐社鼠敦怒曰君庸才豈達大體即率眾內向以誅隗為
 名帝遣王廙往諭敦敦不從復留之廙更為敦用及敦至
 據石頭歎曰吾不復為盛德事矣放縱兵士大肆劫掠內

生平未嘗
 作盛德事

外百官皆奔散刁協至江乘為人所殺送首於敦隗奔後
 趙官至太子太傅而卒帝令百官公卿詣石頭見敦自西
 都覆沒四方皆勸進敦時患帝年長難制欲更議所立王
 導不從及敦克建康謂導曰不用吾言幾至覆族至是敦
 以太子有勇略欲誣以不孝罪廢之得溫嶠辨說敦謀乃
 沮敦遂收周顛并戴淵殺之帝使侍中王彬勞敦彬素與
 顛善先往哭顛然後見敦敦恠其容慘問之彬曰向哭伯
 仁情不能已因數敦曰公抗旌犯順殺戮忠良圖為不軌
 禍及門戶矣辭氣慷慨聲淚俱下敦大怒厲聲曰小兒狂
 悖至此王導勸彬起謝彬曰脚痛不能拜敦曰脚痛孰如

頸膏敦改易百官及諸軍鎮轉徙黜免者以百數朝行暮改惟意所欲將還武昌謝鯤言曰公至都來稱疾不朝今若朝天子使君臣釋然則物情自服敦曰君能保無變乎鯤曰公若入朝鯤請侍從敦勃然曰正復殺君等數百人亦復何損竟不朝而去還屯武昌以兄含為荊州刺史以義陽太守任愔督河北諸軍事敦又自督寧益二州帝憂憤成疾而崩太寧元年敦移鎮姑孰明帝使侍中阮孚賚牛酒犒勞敦稱疾使主簿受詔敦以王導為司徒而自為揚州牧又以王含都督揚州江西諸軍事從弟舒為荊州彬為江州以沈充錢鳳為謀主鄧嶽周撫謝雍為爪牙敦

無子養含子應為子及敦病拜應為武衛將軍以自副錢鳳謂敦曰脫不諱便當以後事付應耶敦曰非常之事豈常人所能我死之後若解衆放兵歸身朝廷保全門戶計之上也退還武昌收兵自守貢獻不廢亦中計也及吾尚存悉衆而下萬一僥倖計之下也鳳謂其黨曰公之下計乃上策也遂與沈充定謀須敦死後作難帝欲討敦知其為物情所畏乃偽言敦死下詔討鳳等餘皆不問敦聞詔病轉篤乃以含為元帥上疏罪狀溫嶠導遺含書曰今日之舉謂可得如大將軍昔年之事乎昔年佞臣亂朝人懷不寧今大將軍來屯於湖漸失人心先帝中興遺愛在人

聖主聰明，思與賢哲弘濟時艱。劉遐、蘇峻不謀同辭，導雖不武，情在寧國，謹明目張膽，以為六軍之首矣。願速建大計，惟取錢鳳一人，事猶可追。宜早思之。及含軍敗，敦聞而怒曰：我兄老婢耳，門戶衰世事去矣。我當力行，因作勢而起，困乏復臥。鳳等至京師，帝親率六軍以禦鳳，頗戰破之。俄而敦死，周光斬錢鳳，吳儒斬沈充，並傳首京師，有司議曰：王敦滔天作逆，宜依崔杼、王凌故事，剖棺戮尸，以彰元惡。於是發瘞出尸，焚其衣冠，跽而刑之。

桓溫桓玄

桓溫，桓彝之子也。生未期，溫嶠見之曰：此兒有奇骨，可試。

狹

使啼，及聞其聲，曰：真英物也。彝以嶠所賞，故名之曰溫。蘇峻之亂，彝守宣城，為峻將江播所害。及溫年十入而播已死，播子彪兄弟三人常置刃杖中，以為溫備。溫詭稱弔賓，以進手刃彪，并追及二弟，皆殺之。時人偉焉。溫豪爽，有風槩，面有七星。劉惔嘗稱之曰：眼如紫石稜，鬚作蝟毛磔。孫仲謀、晉宣王之流亞也。還尚南康長公主，拜駙馬都尉。庾翼常薦溫於明帝曰：桓溫有雄略，願陛下勿以常婿畜之。翼卒，以溫為荊州刺史，假節。永和二年，溫帥眾伐蜀，時朝廷以蜀險遠，溫兵寡少，而深入敵場，將佐亦以為不可。獨江夏相袁喬勸之曰：經略大事，固非常情所及。智者了於

胷中不必衆言皆合也。今爲天下之患者，胡蜀二寇而已。蜀雖險固，北胡爲弱，將欲除之，宜先其易。李勢無道，臣民不附，戰備不修。若以精卒萬人，輕齎疾趨，可一戰擒也。溫從之。至彭模，議者欲分爲兩軍，異道俱進，以分漢兵之勢。袁喬曰：「今懸軍深入，勝則大功可立，不勝則噍類無遺。若分兩軍，則衆心不一，萬一偏敗，大事去矣。不如全軍而進。」溫乃命參軍周楚、孫盛守輜重，自將步卒直指成都。溫三戰三捷，李勢悉衆與溫戰於笮橋。參軍龔護戰沒，衆懼欲退，而鼓吏誤鳴進鼓。於是勢衆大潰，溫乘勝直進至晉壽。葭萌城勢乃面縛，與視請命。溫解縛焚視，送於京師，振旅。

還江陵，進位征西大將軍，開府，封臨賀郡公。及石虎死，溫欲率衆北征，朝廷憚之。會稽王昱以殷浩風有盛名，乃引爲心膂，與參綜朝權，欲以抗溫。溫甚忿恨，然素知浩弗之憚也。以國無他釁，遂得相持。彌年，雖有君臣之跡，羈縻而已。八州士衆資調皆不爲國家用。溫遂復統步騎四萬發江陵伐秦，秦王苻健深溝自固，芟苗清野，溫軍糧不屬，而還。初，溫自以雄姿風氣，是宣帝劉琨之儔。及是征還於北，方得一巧作老婢訪之，乃琨妓女也。一見溫，便潛然而泣。問其故，荅曰：「公甚似劉司空，溫大悅，出整理衣冠，又呼問之。婢云：『面甚似恨，薄眼甚似恨，小鬚甚似恨，赤形甚似恨。』」

短聲甚似恨。温於是褫冠解帶，昏然而睡，不怡者數日。温欲脩復園陵，移都洛陽，表疏十餘上，朝廷憂懼，將遣侍中止之。楊州刺史王述曰：「温欲以虛聲威朝廷，非事實也。但從之，自無所至，事果不行。」又議欲移洛陽，鍾虞述曰：「永嘉不競，暫都江左，方當蕩平區宇，旋軫舊京。若其不爾，宜改遷園陵，不應先事鍾虞也。」温復自江陵北伐，師次伊水，姚襄距水而戰，温結陣而前，親披甲督諸將，奮擊襄，大敗奔平陽。温屯故太極殿前，謁先帝諸陵，遂旋軍，升平中改封南郡公。温或臥對親寮，曰：「為爾寂寂，將為文景所笑。」既而撫枕起曰：「既不能流芳後世，不足復遺臭萬載邪？」太和

四年，温請與郗愔及刺史桓冲、袁真等伐燕，自兖州入郟。超曰：「道遠，汴水又淺，恐漕運難通。」温不從，至金鄉。天旱，水道絕。温使人鑿鉅野三百里，引汶水會于清水，引舟自清水入河。郗超曰：「清水入河，難以通運。若寇不戰，運道又絕，因敵為資，復無所得，此危道也。不若盡舉見衆，直趨鄴城。」温又不從。七月，温至枋頭，與燕慕容垂戰，不利，糧儲復竭，乃焚舟，棄輜重，自東燕出，倉垣鑿井而飲，行七百餘里。燕諸將爭欲追温，吳王垂曰：「不可。温初退，必嚴設備，簡精銳為後拒擊之，未必得志。不如緩之，俟其力盡氣衰，然後擊之。」乃帥八千騎，徐躡其後。温果兼道而進，數日，垂告諸將

曰可擊矣乃追及温于襄邑范陽王德先帥精騎四千伏十襄邑東澗中與垂夾擊温大破之斬首三萬級又邀擊於譙破之死者復萬計温初欲立功河朔以收時望還受九錫及枋頭之敗名位頓減超曰明公不偽伊霍之舉者無以立大威權温遂與之定議以帝素謹無過而牀第易誣乃言帝早有痿疾諷褚太后請廢帝立會稽王昱温乃集百官于朝堂宣太后令廢帝復弒之并殺其母及三子而立簡文及簡文帝崩孝武卽位温入朝赴山陵或云因此欲殺王謝內外懷懼温既至乃收尚書陸始付廷尉既登車謂從者曰先帝向遂靈見衆亦見温將拜時頻言臣

不敢温又問左右殷涓形狀荅者言涓肥而短温云向亦在帝側初殷浩爲温所廢歿浩子涓不詣而與武陵王晞游故温疑而害之竟不識也及是見涓爲崇遂遇疾歿桓冲先問温以謝安王坦之所任温曰伊等不爲汝處分冲後代温鎮姑孰既居任盡忠帝室桓玄温之孽子也形貌壞奇風神踈朗博綜藝術常負其才地以雄豪自處太元末出補義興太守鬱鬱不得志登高望震澤而歎曰父爲九州伯兒爲五湖長遂棄官歸及殷仲堪失職倚玄等爲援乃以子弟交質其相結約推玄爲明主玄始得志乃連各上疏申理王恭求誅尚之牢之等朝廷深憚之詔以玄

靈

都督荆襄雍秦梁益寧七州後將軍荊州刺史假節玄上
疏固爭江州於是進督八州及楊豫八郡復領江州刺史
玄遂樹用腹心兵馬日盛屢上疏求討孫恩建牙聚衆外
託勤王實欲觀釁而進也元興初司馬元顯稱詔伐玄玄
欲退保江陵以待之長史卞範之進說曰公英畧威名振
于天下元顯口尚乳臭劉牢之大失物情若兵臨近畿示
以威賞則土崩之勢可翹足而待何有延敵入境自取蹙
弱者乎玄大悅率衆下至尋陽移檄京邑罪狀元顯至新
亭元顯自潰玄遂入京師自禍難屢構干戈不戢百姓厭
之思得寧一及玄初至黜凡佞擢雋人京師欣然已乃陵

侮朝廷幽擯宰相豪奢縱欲衆務繁興而朝野復失望矣
十一月玄矯詔使王謚兼太保領司徒奉皇帝璽禪位於
已玄僞讓朝臣固請玄乃立郊登壇篡位玄自篡盜之後
驕奢荒侈游獵無度以夜繼晝百姓疲苦怨思亂者十室
八九於是劉裕劉毅何無忌等其謀興復遂誅玄

安祿山史思明

安祿山營州柳城胡也祿山伎忍多智善測人情通六蕃
語張守珪節度幽州祿山盜羊而獲守珪將殺之壯其語
因釋不殺祿山遂乞與守珪爲養子擢幽州節度副史御
史中丞張利貞採訪河北祿山百計媚事之多出金帛結

祿山黨皆俗流一克長安無復西出之意故上得安行入蜀而太子北行亦無追迫之慮

其左右利貞入朝盛言祿山乃授營州都督自是使者往來一口同稱玄宗始以為才天寶元年以平盧為節度祿山為使兼抑爾蕃渤海黑水四府經畧使又代裴寬為范陽節度河北採訪使仍領平盧三年祿山入朝北還詔中書門下尚書三省長官御史中丞俱餞鴻臚亭祿山陽為不敏承間奏曰臣生蕃戎寵榮過甚無異材可堪委托願以身為陛下死天子以為誠憐之令見太子不拜祿山曰臣不識太子何官也帝曰太子者吾百歲後將付以此位者也祿山即佯驚謝曰臣愚知陛下不知太子罪當萬死乃拜時楊貴妃有寵祿山請為貴妃兒每拜必先妃而後

臭味

帝帝怪之祿山對曰蕃人先母而後父帝大悅六載進御史大夫林甫以宰相貴甚羣臣無敢鈞禮祿山恃恩入謁林甫欲諷寤之使與王錡偕錡亦位大夫林甫見錡趨拜卑約祿山惕然不覺自整折林甫與語揣知其意便迎折之祿山大駭故每見林甫雖盛寒必流汗林甫亦稍厚之引至中書覆以已袍祿山大德林甫呼為十郎祿山還鎮留麾下駱谷居京師駱谷每奏事還祿山必先問十郎何如有好言輒喜若謂大夫好檢校則反手據牀曰我且死晚益肥腹緩及膝舊兩肩若挽牽者然作胡旋舞帝前乃疾如風帝視其腹曰胡腹中何有而大荅曰唯赤心耳

安祿山請除所部將士將軍五百餘人中即將二千餘人又請以番將三十二人代漢將其反明甚殊不

帝為起第京師服御等雖乘輿不能過焉時太平久人忘戰帝春秋高嬖豔鉗固李林甫楊國忠更持權綱紀大亂祿山計天下可取逆謀日熾又自以無功而貴見天子盛開邊乃結契丹諸酋大置酒既酣悉斬其首先後殺數千人獻馘闕下帝不之審即賜祿山鐵券封柳城郡公進爵東平郡王九歲兼河北道採訪處置使祿山又求兼河東遂拜河東節度使既兼制三道意益侈十一載率河東兵討契丹祿山中流矢走平盧祿山不得志乃上言欲悉兵討契丹以報帝詔朔方節度使何布思會討之布思多權畧祿山素忌其才欲襲取之故表請自助布思懼轉入漠

闕其挑怒一也不捕祿山而捕其客李超等致其子慶宗密告范陽二也揚國忠常見素勸上除祿山平章事召請關而以賈循呂知諫楊先劇分其勢已草制而後由不發遣中使輔璆琳以珍果賜祿山借察

北為回統所畧奔葛邏祿祿山厚募其部落降之葛邏祿懼執布思送北廷獻之京師祿山已得布思之衆兵益雄愈偃肆太子及宰相屢言祿山反帝皆不信至是國忠建言乞追還朝以驗厥狀祿山得其謀即馳入謁帝意遂安十三載來朝謁華清宮對帝泣曰臣蕃人不識文字陛下擢以不次國忠因是必欲殺臣帝慰解之拜尚書左僕射詔還鎮又請為閑廐隴右羣牧等使祿山既摠閑牧因擇良馬內范陽又奪張文儼馬牧反狀明白人告言者帝必縛與之十四年祿山奏請以蕃將三十二人代漢將韋元素謂楊國忠曰祿山久有異志今又有此請其反明矣他

其變致璆
琳變厚賂
盛言竭忠
奉國三也
及祿山表
獻馬三千
匹每匹執
鞭夫二人
爲河南尹
奚珣所告
上稍寤會
璆琳賄事
亦竟上託
他事撲殺
之激之使
變四也手
詔祿山親
視且曰朕
新爲卿作
一陽如聞

與兒五也
李泌討割
羅威前後
亦若二十
萬國忠極
敢捷耳祿
山益觀中
國無人六
也史言國
忠欲共進
反以事信
于上此語
與過

日二人見上言曰臣有一策可以坐消祿山反謀若除祿山平章事召詣闕以賈循呂知誨楊光翽分領范陽平盧河東節度則勢自分矣上從之已草制而又不發更遣中使以珍果賜祿山欲以潛察其變中使受賂還言祿山無反心上謂國忠等曰朕推心待之保無異志卿等勿憂也冬十一月祿山反范陽祿山許爲救書示諸將曰有密旨令將兵入朝討楊國忠遂濟河下陳留滎陽遂入關上走蜀至咸陽望賢宮日向中猶未食民獻糲飯雜麥豆皇孫輩爭以手掬食之有老父郭從謹進言曰祿山包藏禍心固非一日有告者陛下往往誅之使得逞其姦逆致陛下

播越臣猶記宋璟爲相數進直言天下賴以安寧自頃以來在廷之臣以言爲諱闕門之外陛下皆不得如草野之臣必知有今日久矣但九重嚴邃區區之心無路上達事不至此臣何由得睹陛下之面而訴之乎上曰朕之不明悔無所及慰諭而遣之命軍士散詣村落求食夜將半乃至金城百姓皆走驛館無烟相與枕籍而寢貴賤無復辨識矣次馬嵬乃賜國忠及貴妃歿祿山遂僭號東京是年太子卽位靈武時賊將旣陷長安日縱聲色財利故車駕入蜀無進躡之患肅宗北行亦無西顧憂祿山旣老愈肥目復盲又得疽疾性卞躁左右給侍無罪輒處祿山子慶

緒乃與李猪兒共殺祿山慶緒襲位後為官軍所敗走歸
 史思明思明殺之祿山父子僭位僅三年
 史思明突厥種與安祿山共鄉里先祿山一日生故長相
 善為互市郎負官錢無以償將走奚未至為邏騎所困欲
 殺之思明給曰我使人也若聞殺天子使者其國不祥不
 如以我見王王活我功自汝得之邏以為然送至王所思
 明見王不拜曰天子使見小國君不拜禮也王怒然疑其
 真使者卒館待以禮將還令百人從入朝奚有步將鎖高
 者名聞中國思明欲擒之以贖罪誅王曰從我者雖多然
 可與見天子者惟高耳王悅命高將帳下三百與之俱既

新唐書

至平盧思明密遣人謂戎主曰奚兵數百外稱入朝內實
 為盜請備之主潛師迎犒殺其眾囚高以獻張守珪奇其
 功表為捉生天寶初累功至將軍知平盧軍方入奏帝賜
 坐與語奇之問年曰四十矣撫其背曰爾貴在晚勉之祿
 山反使思明畧定河北已復留思明守范陽祿山陷兩京
 常以橐駝載禁府珍寶貯范陽思明見其富强憫然欲自
 取之遂殺慶緒而并其眾欲遂西畧恐根本未固乃留子
 朝義守相州而自引還更國號大燕自稱應天皇帝上元
 三年思明以計敗光弼兵於北邙王師棄河陽京師震恐
 益兵屯陝州思明遂西使朝義為先鋒朝義攻陝敗退壁

新唐書

逆賊

卷五十九

七

永寧思明大怒曰朝義怯不能成我事又曰朝下陝夕斬是賊朝義懼駱悅等共說朝義召曹將軍同計大事悅遂縊死思明朝義即位以李懷仙為幽州節度朝義與官軍戰敗謀奔兩蕃懷仙招之止幽州自縊歿懷仙斬朝義首傳長安父子僭號凡四年

李希烈

李希烈遼西人初從李忠臣戰河北有功忠臣貪殘好色悉以軍政委其節度副使張惠光惠光挾勢暴橫其子為牙將暴橫又甚於父希烈因眾心怨怒遂殺惠光父子而逐忠臣代宗乃以希烈為蔡州刺史淮四留後以永平節

度使李勉兼汴州刺史徙鎮汴州布烈於是帥所部兵三萬徙鎮許州而遣所親詣李納與謀共襲汴又密與朱滔等交通滔與王武俊田悅聞希烈軍勢盛相與遣使勸希烈稱帝希烈遂自稱天下都元帥建中四年希烈遣其將李克誠襲陷汝州執別駕李元平又遣別將四出抄掠取尉氏圍鄭州官軍數為所敗邏騎西至彭婆東都大震上以哥舒曜為東都節度使將營兵萬餘人討希烈曜至邾城遇希烈前鋒將陳利貞擊破之希烈勢小沮曜翰之子也二月曜克汝州擒周晃進至襄城三月江西節度使曹王臯敗希烈將韓霜露于黃梅斬之拔黃州進拔蘄州及

荆南節度使張伯儀與希烈兵戰于安州大敗伯儀僅以身免上乃以神策軍使白志貞為京城召募使募禁兵以討希烈志貞請諸嘗為節度觀察都團練使者不問存沒並勒其子弟帥奴馬自備資裝從軍上又行稅間架除陌錢法於是愁怨之聲盈于遠近八月希烈將兵三萬圖哥舒曜於襄城詔李勉及神策將劉德信將兵救之劉德信及宣武將唐漢臣與賊將李克誠戰敗於滬澗時李勉奏希烈精兵皆在襄城許州空虛若襲許則襄城就自解方遣二將趣許未至數十里上又遣中使貴其違詔二將狼狽而返無復斥候故克誠伏兵邀之殺傷大半漢臣奔大

梁德信奔汝州希烈游兵剽掠至伊闕汴軍出是不振襄城益危上方發涇原諸道兵救襄城涇原兵仍挾朱泚為亂上西走奉天襄城遂陷曜奔東都希烈資性慘酷臨陣殺人血流滿前而飲食自若以故人畏之為盡死力於是乘襄城之捷進攻李勉驅民運上木築壘道以攻城忿其米就并人填之謂之濕薪遂陷大梁時南方藩鎮各閉境自守惟曹王臯數遣使間道貢獻李希烈攻逼汴鄭江淮路絕朝貢皆自宣饒荆襄趣武關臯治郵驛平道路然後往來之使通行無阻希烈既恃兵強遂謀稱帝號大楚遺其將楊峯齋赦賜陳少游及壽州刺史張建封建封執峯

可方薛景仙

狗軍腰斬於市，具以少游與希烈交通之狀聞上。悅以建封為濠壽廬三州都團練使，希烈乃以其將杜少誠為淮南節度使，將步騎萬餘人，先取壽州，建封遣將守霍丘、秩柵，少誠不能過，乃南寇蘄黃，欲斷江路。時上命包佶自督江淮財賦，沂江詣行在，至蘄口遇賊兵，曹王臯遣蘄州刺史伊慎將兵七千拒戰，大破之。少誠脫身走，包佶乃得前。希烈又以夏口上流，使其驍將董侍募死士七千人，襲鄂州，刺史李兼偃旗臥鼓，閉門以待之。侍撤屋材焚門，兼帥十卒出戰，大破之。上以兼為鄂岳沔都團練使。於是希烈東畏曹王臯，西畏李兼，不敢復有窺江淮之志矣。劉昌與

曲環等又乘勝進攻汴州，希烈乃懼，奔歸蔡州，兵勢日蹙。會有疾犬將陳仙奇，使醫毒殺之。始希烈入汴，強取叅軍竇良之女，女顧其父曰：「慎無戚，我能滅賊。」女因稱仙奇忠勇可用，故希烈任之，而妻亦竇姓，素與女歡洽。及希烈有疾，竇女乘間謂仙奇妻曰：「賊雖強，終必敗，可如何？」妻以告仙奇，仙奇始悟，故用計殺之。希烈已歿，子不肯發喪，欲悉誅諸將而自立。適有獻桃者，竇女請分遺諸將，仙奇妻因蠟帛丸雜果中，出仙奇，乃率兵入斬之。函希烈并妻子七首獻天子，尸希烈於市，帝以仙奇忠拜淮西節度使。

女子好幹事

朱泚

藏書

逆賊

卷五十九

朱泚，幽州人，與弟滔並為李懷仙部將。朱希彩為節度使，頗委信泚。大曆七年，希彩為其下所殺，泚眾方外屯，而滔主牙兵，乃潛諭數十人，大呼軍門曰：帥非朱公，莫可眾愕。因共詣泚，推知留後。有詔即拜盧龍節度留後。三年，泚求入朝，自幽州首為逆。懷仙以來，雖外臣順，然不朝謁。而泚倡諸鎮，身入衛。既至，見內殿，賜賚甚厚。泚之來，滔攝後務，稍稍剪落。泚牙角，泚自知為所賣，乃請留京師。帝因授滔節度留後，而進泚太尉。及滔合田悅以叛，陰遣人與泚相聞。河東馬燧獲其書，帝召泚示之。泚惶懼，請死。帝勉之曰：千里不同謀，卿何謝焉。及李希烈圍哥舒曜於襄城，詔

門外合

涇原節度使姚令言督鎮兵五千東收曜過關，下京兆尹供軍，眾怒供給粗糲，不肯食。羣噪曰：吾等棄父母妻子前歿敵，乃食此。庸能持身蹈白刃邪。今瓊林大藏庫寶貨如山，乃盡甲反旗而鼓，劫令言西行，殺使者，薄丹鳳門。帝倉惶出走，夜至咸陽。思桑道茂之言，復疾趨奉天。都虞候渾瑊以數十騎自夾城入北內，裒兵欲擊賊，聞乘輿出，乃帥家人子弟俱奔奉天。赴難令言遂突入含元殿，掠宜春苑人諸宮，嚴兵自固，而未有所以。恐不能久，以泚昔在涇原有恩，且失權日久，乃相聚而謀曰：太尉方囚銅，若迎之，則事可濟。令言遂率百餘騎見泚，泚偽讓不肯許，第留使者

通鑑

逆賊

卷五十九

五

飲以觀衆心。是夜令言復率數百騎往見泚。泚卽擁徒衆向闕下。舍前殿。總六軍。僭卽帝位。國號大秦。而自將兵。偪奉天。時四鎮合兵萬人。入援將至。上召將相議道所從入。關播渾瑊曰。漠谷道險狹。恐爲賊所邀。不若自乾陵北過。營於城東北雞子堆。與城中掎角。以分賊勢。盧杞曰。漠谷道近。若爲賊所邀。則城中出兵應之。倘出乾陵。恐驚陵寢。瑊曰。自賊圍城。斬乾陵松柏。以夜繼晝。其驚多矣。今城中危急。救兵至者。惟四鎮耳。若得營據要地。則泚易破也。杞曰。陛下行師。豈比逆賊。若令四鎮兵過。是自驚陵寢。不可。上乃聽杞兵自漠谷進。果爲賊所邀。是夕四鎮軍潰。退保

至色

邠州。泚閱其輜重於城下。從官相視失色。初上至奉天。詔徵近道兵入援。有言朱泚爲亂。兵所立欲來攻城者。盧杞切齒言曰。朱泚忠貞。羣臣莫及。臣請以百口保其不反。上信之。至泚。僭位報聞。盧杞白志貞又言於上曰。臣觀朱泚心迹。必不爲逆。願擇大臣入京城。宣慰以察之。上以問從臣。皆莫敢行。金吾將軍吳淑獨請行。上悅之。淑退而告人曰。食其祿而違其難。何以爲臣。吾非不知往而必死。但恨舉朝無蹈難之臣耳。遂奉詔詣泚。泚陽爲受命。館淑於客省。尋殺之。及泚圍奉天。帝卒不詰問杞。

王陵殺母逆賊

藏書

逆賊

卷五十九

三

題曰好

王陵沛人也始為縣豪高祖微時兄事陵及高祖起沛入咸陽陵亦聚黨數千人居南陽不肯從沛公及漢王之還擊項籍陵廼以兵屬漢項羽取陵母置軍中陵使至則東鄉坐陵母欲以招陵陵母既私送使者泣曰願為老妾語陵善事漢王漢王長者母以老妾故持二心妾以死送使者遂伏劍而死項王怒烹陵母陵卒從漢王定天下封安國侯陵為人少文任氣好直言為右丞相二歲惠帝崩高后欲立諸呂為王問陵陵不可於是呂太后欲廢陵廼陽遷陵為帝太傅實奪之相權陵怒謝病免杜門竟不朝請十年而薨

趙苞啖名客殺母

趙苞字威豪其陸東武城人從兄忠為中常侍苞深耻其門族有宦官名勢絕不與忠交通初仕州郡舉孝廉再遷廣陵令視事三年政教清明郡表其狀遷遼西太守到官明年遣使迎母及其妻子道經柳城值鮮卑萬餘人塞寇鈔苞母及妻子皆為所劫載以擊郡苞率兵二萬與賊戰賊出毋示苞苞悲號告母曰為子無狀欲以微祿奉養朝夕不圖為母作禍昔為母子今為王臣義不得顧私恩毀忠節母遥謂苞曰威豪人各有命不得相顧昔王陵母對漢使伏劍以固陵爾其勉之苞即時進戰賊悉摧破母妻

威書

逆賊

卷五十九

三

皆為所害

温嶠殺母

温嶠字太真太原人嶠風儀秀整善談論見者皆愛之平
北大將軍劉琨請嶠為參軍將兵討石勒有功屬二都傾
覆元帝初鎮江右琨乃以嶠為左長史檄告華夷奉表勸
進嶠既至引見具陳琨忠誠因說社稷無主天人係望辭
肯慷慨舉朝屬目帝器而嘉焉除散騎侍郎初嶠欲將命
其母崔氏固止之嶠絕裾而行至是聞母凶乃苦請北歸
詔不許嶠乃受命後歷驃騎王導長史遷太子中庶子太
子即位嶠拜侍中轉中書令嶠有棟梁之任帝親而倚之

此人不是
該〇應入
姓濟名臣

世用

甚為王敦所忌敦因請嶠為左司馬敦阻兵不朝多行陵
縱嶠知其不可諫乃謬為恭敬綜其行事于說密謀以附
之又深結錢鳳為之聲譽每日錢世儀精神滿腹嶠素有
知人之稱鳳聞而悅亦與嶠深相結會丹陽尹缺嶠說敦
曰京尹輦轂喉舌公宜自選其人敦問誰可嶠曰錢鳳可
鳳亦薦嶠嶠偽辭之敦不聽遂表嶠補丹陽尹嶠懼錢鳳
或豫為敦謀因敦餞別嶠起行酒至鳳前鳳未即飲嶠偽
醉以下版擊鳳墜憤作色曰錢鳳何人温大真行酒而敢
不飲耶敦以為醉兩釋之臨去言別涕泗橫流出閣復入
如是再四然後即路及發鳳入說敦曰嶠於朝廷密而與

意

賊書

逆賊

卷之九

七

庾亮深交、恐未可信、敦曰、太真昨醉、小加聲色、便相讒貳、乎嶠既至、具奏敦逆謀、敦聞與導書曰、大真別來幾日、作如此事、乃表誅嶠、又募生得嶠者、當自拔其舌、及王含錢鳳奄至都下、嶠燒朱雀桁以挫其鋒、賊不得渡、嶠遂率眾與賊夾水而戰、先擊王含、敗之、復督劉遐追錢鳳於江寧、事平、封建寧縣開國公、明帝疾篤、嶠與王導、郗鑒、庾亮、陸暕、卞壺等、同受顧命、咸和初、為江州刺史、鎮武昌、嶠聞蘇峻之徵、慮必有變、求還朝、以備不虞、不聽、未幾、蘇峻果反、嶠屯潯陽、遣督獲王愨、期西陽太守鄧嶽、鄱陽內史紀瞻等、率州師來赴難、復遣王愨、期等、往要陶侃、侃恨不受顧

顧命書

命不肯出兵、嶠乃遣使告侃曰、仁公且守、僕宜先下、嶠部將毛寶謂嶠曰、凡舉大事、當與天下共之、假令可疑、猶當外示不覺、况自作疑耶、速宜追改、務期同發也、嶠意悟、即追使改書、侃乃遣督護龔登率兵詣嶠、嶠於是列上尚書、陳峻罪狀、有眾七千、洒泣登舟、移告四方、征鎮、時陶侃雖許自下而未發、復遣追其督護龔登、以還嶠、重與侃書曰、大軍有進無退、宜增而不宜減、近已移檄遠近、言於盟府、剋後月半大舉、仁公今召軍還、疑惑遠近、成敗之由、將在於此、大僕與仁公並受方嶽之任、安危休戚、理既同之、且頃者相顧、綢繆情深、義重一日、有急亦望仁公悉眾見救、

况當社稷之難乎念僕偏當一州假令此州不守約峻樹置官長於此荆楚西逼強胡東接逆賊將來之危乃當甚於此州也以大義言之則社稷顛覆主辱臣死公進嘗為大晉之忠臣參桓文之義舉開國承家銘之天府退當以慈父雪愛子之痛今約峻凶逆無道囚制人士裸其五形骨肉生離痛感天地人心齊一咸願切齒今日進討若以石投卵耳今出軍既緩復召兵還人心乖離是為敗於幾成也願深察所陳以副三軍之望峻時殺侃子瞻故嶠激厲之侃遂率所統與嶠同人赴難戎卒六萬旌旗七百餘里直指石頭時祖約據歷陽與峻為首尾見嶠等軍盛謂

刺心在此

其黨曰吾本知嶠能為四公子之事也及聞嶠至峻乃遷帝石頭是時義軍屢戰失利軍食亦盡陶侃怒曰使君前云不憂無將士惟得老僕為主今數戰皆北良將安在荆州接胡蜀二虜倉廩當備不虞若復無食僕便西歸矣嶠曰不然自古成監師克在和光武之濟昆陽曹公之拔官渡以寡敵眾仗義故也峻勇而無謀今挑之戰可一鼓而擒奈何捨垂立之功設進退之計乎且天子幽逼社稷危殆四海臣子肝腦塗地今之事勢義無旋踵公若違眾獨還人心必沮沮眾敗事義旗將迴指於公矣侃不能對嶠於是創建行廟廣設壇場告皇天后土祖宗之靈親讀祀

文聲氣激揚流涕覆面三軍莫能仰視其日侃督水軍向石頭庾亮與嶠等率精勇一萬從白石挑戰峻時方勞將士因醉突陣馬躓為侃將所斬峻弟逸及子碩嬰城自固嶠乃立行臺布告天下凡故吏二千石臺郎御史以下皆令赴臺於是至者雲集遂破賊石頭而滅之嶠加散騎常侍封始安郡公朝議將留嶠輔政嶠以導先帝所在固辭還藩至牛者磯水深不測有云其下多怪物嶠燬犀角照之須臾見水族覆火奇形異狀或乘馬車著赤衣者嶠是夜夢神謂曰與君幽明隔別何意相照也嶠意甚惡因齒疾至鎮未旬而卒時年四十三江州士庶聞之莫不垂泣

子放之嗣爵以貧求為交州朝廷許之王述與會稽王薨曰放之溫嶠之子宜見優異而投之嶺外竊用愕然時竟不納放之既至南海甚有威惠將征林邑交阯太守杜實別駕阮朗不從放之以其沮衆誅之勒兵而進遂破林邑而還卒于官

藏書逆賊傳卷五十九 終

毛仲宴客
米璟不至
李達之子
衛尉少卿
嘗召賓客
畏林甫無
一人至者
力士西京
作實壽寺
守鏡成舉
朝畢集上
或時不視
朝百官皆
集林甫第
次相陳希
烈終日坐

奸賊七

李林甫

林甫唐宗室時武惠妃有寵子壽王尤愛林甫因中人白
妃願護壽王為萬歲計妃德之侍中裴光庭夫人武三思
女也嘗私林甫而高力士本出三思家及光庭卒武氏請
力士以林甫代為相力士未敢發而帝因蕭嵩言自用韓
休力具詔武氏撻語林甫使為休請休既相重德林甫而
與嵩有隙乃薦林甫有宰相才妃陰助之即拜黃門侍郎
尋為兵部尚書同中書門下三品始九齡繇文學進守正
持重而林甫特以便佞故得大任每嫉九齡陰害之會帝

載書

奸賊

卷五十九

七

此處為書中正文，因字跡模糊，內容難以辨認。可見其為一頁完整的文字，但在此處呈現為淡化的印文。

在府無一人王者焉
呼此士大夫廉耻得
失之辨也
玄宗先為
毛仲邀環
又為麻山
置宴堂
天子却做
一個邀客
舍人可悲
也
羅希龜所
過殺遷謫
者李滂之
御藥于宜
春于碧繼
安于江華
行過安陸

欲進朔方節度使牛仙客實封九齡恃不可林甫為言天子用人何不可者帝聞而善之由是疏薄九齡與裴耀卿俱罷而專任林甫相仙客初三相就位二相磬折趨而入獨林甫在中軒驚無少讓喜津津觀者竊言一鵬挾兩兔矣少選傳詔出耀卿九齡俱罷林甫嘻而笑曰尚左右丞相耶於是林甫進兼中書令帝卒用其言殺三子天下冤之及帝將立太子林甫探帝意數稱道壽王而帝意自屬忠王太子既定林甫恨謀不行恐及禍乃陽善韋堅至太子妃兄也故使堅任要職欲覆其家以搖東宮及構堅獄而太子絕妃自明林甫計黜太子柱良娣其父有隣與婿

幾怖殺裴
寬李遠之
子雲迎父
喪至東京
李林甫令
人誣告杖
双河南府
上令天下
通一藝以
上皆詰京
師試以
賦論一
人及第林
甫奏野無
遺賢上表
拜郊在朝
者既許勤
殆盡而在
朝者又檢
絕不通無

柳勣不相中勣浮險欲助林甫乃上有隣變事捕送詔獄賜死逮引裴敦復李邕等皆林甫素忌惡者株連殺之太子又出良娣為庶人得無事未幾林甫擢濟陽別駕魏林使誣河西節度使王忠嗣嘗自言我幼養宮中與忠王相愛欲擁兵佐太子帝不信而斥忠嗣林甫又白帝曰太子宜知謀帝曰吾兒在內安得與外人相聞此妄爾林甫一日從容言曰古者立儲君必先賢德非有大勳力於宗社則莫若元子帝曰慶王往年獵為豹傷面甚林甫對曰破面不愈於破國乎帝頗惑之曰朕徐思之然太子以謹孝聞內外無異言故飛語終不得入林甫性陰賊忍誅殺同

奸賊

仁賢何以國乎
 先是九齡爭張守珪為相茲復爭朔方歸度牛仙客為尚書致上曰事皆由卿耶又曰卿猶仙客寒微如卿有何闊閣此豈對宰相語而林甫遂得希指其間蓋九齡意不欲玄宗重邊功而

時若九齡李適之皆遭逐殺楊慎矜張瑄等緣坐數百人相繼誅戮以王鉷吉溫羅希奭為爪牙與大獄衣冠累息適之子雲嘗盛具召賓客畏林甫終無敢往者林甫有堂如偃月號月堂欲排構大臣即居之子岫為將作監嘗從游後園見輦重者跪而涕曰大人居位久枳棘滿前一旦禍至欲比若人得乎林甫不樂曰勢已然可奈何時帝詔天下士有一藝者得詣闕就遷林甫恐士對詔斥已即建言士皆草茅未知禁忌徒以狂言亂聖聽請悉委尚書省誠問竟無一中者林甫因賀上以為野無留才故事宰相皆元功出入騎從簡寡士庶不甚引避林甫自見結怨者

若相構則奸人之藉矣然九齡再以語類上而上猶三詢及林甫九齡語愈峻蓋是時即上意亦借相林甫一着傾九齡假手于林甫耳嗚呼惜哉上之欲傾九齡者為壽王也

眾恐刺客竊發出入騶騎先驅百步金吾為清道公卿辟易趨走所居重關複壁絡版甃石一夕再徙家人亦莫知也帝或不朝羣司百官悉走其門左相陳希烈雖坐府卒無一人謁者居相位凡十九年固寵市權蔽欺天子諫官無敢正言補闕杜璡再上書言政事即斥為下邳令因以語動眾曰明至在上羣臣將順不暇君等獨不見立仗馬乎終日無聲而飲三品芻豆一鳴則黜之矣由是諫爭路絕貞觀以來任蕃將者如阿史那杜爾契苾何力皆以忠力奮然猶不為上將皆大臣摠制之開元中大臣若薛納郭元振張嘉貞王餒張說蕭嵩等皆自節度使入相天子

載書

奸賊

卷五十九

三

太子之立
非林甫意
常有動搖
之志而幸
堅又太子
她兄會皇
甫惟明破
吐番獻捷
勸上去林
甫林甫乃
使楊街
容伺所為
正月望夜
太子出遊
與堅相見
堅又與惟
明會於景
龍觀慎於
發兵事以
總堅咸里

林甫欲杜其本以久已權即說帝曰以以陛下雄材國富
強而夷狄未滅者繇文吏為將憚矢石不肯先身也不如
用蕃將彼生而雄傑養馬上長行陣若陛下感而用之夷
狄不足圖矣帝然之因以安思順代林甫領節度而擢安
祿山高仙芝哥舒翰等專為大將故祿山得專三道勁兵
十四年不徒卒稱兵蕩覆天下林甫為之也李適之既與
林甫有隙適之又領兵部尚書林甫乃使人發兵部銓曹
姦利事收吏六十餘人付京兆尹蕭昊昊使法曹吉溫鞫
之溫入院先於後廳取二重囚譏問或杖或壓號呼之聲
所不忍聞兵部吏素聞吉溫慘酷及引入皆自誣服頃刻

不應與邊
將狎暱林
甫因奏堅
與惟明共
欲立太子
堅惟明下
獄上不顯
其罪貶官
有差按此
舉忠王亦
岌岌矣幸
武惠妃不
在耳上又
新幸楊妃
恨人議其
後不應有
復廢太子
之舉然太
子素謙謹
而上已痛

獄成而囚無榜掠適之遂得罪後林甫求治獄吏於昊昊
薦溫林甫大喜溫語人曰若遇知己南山白額虎不足縛
也時又有羅希奭為吏深刻林甫引之自御史臺王簿遷
殿中侍御二人皆隨林甫所欲深淺鍛鍊無能自脫者時
人謂之羅鉗吉網適之貶宐春羅希奭自青州如嶺南所
過殺遷謫者無數牒至宐春適之啣藥自殺適之子雪迎
父喪至東京林甫使人誣告雪亦杖歿於河南李邕裴敦
復皆杖死邕才藝出眾盧藏用嘗語之曰君如干將莫邪
難與爭鋒然終虞缺折

盧杞

奸賊

心子三子
雖百林甫
無能如之
何矣
章化兼愛
因鮮子仲
通以交楊
劉因劉以
言費妃而
劉且出入
禁中與控
滿正好配
伏機侍郎
也嗚呼十
金爲子西
游小者賣
官大者市
國矣
史稱九齡
節挺之曰

杞祖懷慎也。父奕死，安祿山之難，杞有口才，體陋甚，鬼貌藍色，不耻惡衣菲食，人咸謂有祖父風節。籍蔭爲遷虢州刺史，奏言：「虢有官豕三千，爲民患。」德宗命徙之沙苑。杞曰：「同州亦陛下百姓，臣請食之。」便帝曰：「守虢而憂他州，宰相材也。」俄召爲御史中丞，論奏合帝意，踰年遷大夫。不閱旬，擢門下侍郎、同平章事。楊炎與杞俱輔政，炎鄙杞才，下未半歲，杞請罷炎，炎卒。遂死。杞惡太子太師顏真卿欲出之，會李希烈逼東都，上問計於盧杞，對曰：「希烈年少，騎將恃功驕慢，誠得儒惟重臣奉宣聖澤，爲陳逆順禍福。」希烈必革心悔過，可不勞軍旅而服顏真卿。三朝舊臣，忠直剛決。

李尚書方
承恩足下
宜一造門
挺之素壽
林甫竟不
之前按九
終如何亦
有此語豈
欲挺之賜
與交好如
聊寄之說
呂祿耶不
然必史氏
誤書也

名重海內，人所信服。上以爲然，卽令宣慰其軍卒，爲希烈賊害故宰相李愬，有雅望。杞畏其復用，遣爲吐蕃會盟使，遂卒于行。是時兵屯河南，財用日急，度支條軍所仰給，月費緡百餘萬。杞乃以戶部侍郎趙贊判度支，建言商賈儲錢千萬聽自業，過千萬者貸其贏以濟軍。軍罷，約取償于官，帝許之。長安爲閉肆，民心愁忿，贊術大窮。於是開架除陌之稅行矣。所謂開架錢者，其法屋三架爲間，上稅間一千，中千，下五百。吏執筭入第室計之，隱不盡，二架抵罪，告者以錢五萬異之。所謂除陌錢者，公私貿易舊法千錢筭二十，請加五十。王儉注所售入其筭，有司其自相市爲私

籍自言隱不盡，率千錢沒二萬，告者以萬錢昇之。由是主
儉得操其私，以爲奸，其倡和造作，以召怨階亂，皆杞爲之。
後帝出奉天，杞從上卒，迫走出，百僚諸王，鮮有知者。李懷
光自河北還平奉天之難，杞懼其入朝，有所關說，請帝詔
懷光無朝京師，進屯便橋，乘銳破賊，以致懷光快快自疑，
遂謀反。暴言杞等罪惡，士議誼沸，皆指目杞。帝不得已，貶
杞新州司馬。然尤念之，乃因興元赦令，徙杞爲吉州長史。
杞喜曰：上必復用我矣。貞元元年，詔拜杞饒州刺史，給事
中。袁高不肯草詔，乃改爲澧州別駕，遂死澧州。初，尚父郭
子儀有病，百官造省，不屏姬侍。及杞至，卽屏去，隱几而待。

家人恠問其故，子儀曰：彼外陋內險，左右見之，必笑使得
權，吾族無類矣。

秦檜湯思退附

秦檜，江寧人。登政和五年第。二帝北遷，金以檜及孫傅、張
叔夜、何桌、司馬朴從至燕山。會金主吳乞買以檜賜其弟
撻懶。撻懶攻山陽，檜遂與妻王氏及婢僕一家自軍中取
漣水軍水砦航海歸行在。人見拜禮部尚書。檜之歸也，自
言殺金人監已者，奪舟而來。朝士謂檜與桌、傅、朴同拘而
歸，又自燕至楚，三千八百里，踰河越海，豈無譏訶之
者，安得殺監而南？就令撻懶縱之，亦必質親屬，安得與王

遼語

檜不罷相
虜使之也

氏偕行蓋檜在金庭首倡和議故捷懶縱之使歸也其通虜明甚紹興元年除參知政事檜揚言曰我有二策可以聳動天下或問何以不發檜曰今非相不可行也八月拜右僕射九月呂頤浩再相檜同秉政檜風其黨建言周宣王內修外攘故能中興今二相並任空分內外頤浩遂建都督府於鎮江高宗曰頤浩專治軍旅檜專理庶務如種蠶之分職可也二年頤浩自江上還謀逐檜檜罷前一日上謂直學士蔡密禮曰檜欲以河北人還金中原人還虜虜若南人歸南北人歸北朕北人將安歸乎檜又言為相數月可以聳動天下今未有也宗禮即以上意載訓辭檜

告中外然後知上亦疑檜之姦矣五年上駐蹕平江復召檜赴行在用右相張浚薦也即日授檜樞密使會浚求去帝問誰可代卿者且曰秦檜何如浚曰與之其事始知其闇帝曰然則用趙鼎故鼎復相浚遂謫永州始浚與甚相得浚先達力引鼎浚又嘗盛稱檜於鼎鼎曰此人得志吾人無所措手足矣浚不以為然故引檜其政至是檜聞浚言深憾浚反謂鼎曰上欲召公而張相遲留蓋因以激怒鼎使擠浚也鼎素惡檜至是反信檜卒為檜所傾云入年拜檜右僕射吏部侍郎晏敦復憂之曰姦人相矣金使來議和與王倫偕至檜與宰執共入見檜獨留身言臣僚畏

文書

奸賊

卷五十九

三

首尾不足與斷大事若陛下決欲講和乞顯與臣議帝曰朕獨委卿檜曰臣恐未便望陛下更思三日既三日檜復留身奏事帝意欲和決矣檜猶以為未也曰臣恐別有未便欲望陛下更思三日帝曰然又三日檜復留身奏事如初知上意不移乃出文字乞決和議勿許羣臣預之鼎遂方求去出知紹興府既去檜獨專國決意議和中朝士以議和論不合者咸相繼去位矣檜方挾金人自重至是欲上行屈已之禮議撤淮南守備奪諸將兵權時諸將所向奏捷而檜力主班師九月詔岳飛還行在揚沂中還鎮江劉光世還池州劉錡還太平飛軍聞詔旗摩轅亂飛曰

哇不能合於是淮寧蔡鄭復為金人有檜盡收諸將兵詔給事中范同令諸將入對岳飛至入對曰如今文臣不愛錢武臣不惜命欲了即了耳檜頷之於是世忠俊並為樞密使飛為副使三人累表辭謝檜與上約荅詔視常期率遲留一二日凡諸禮例恩賜各自倍檜別下詔命三大帥軍中列檜使各統所部自為一軍更其銜曰統制御前軍馬凡其所統陛黜賞罰得專達之諸校喜于自便莫不欣然受命明日三大帥受元樞之制以出其所部皆已散去導從盡是密院之人三帥始知兵柄見奪洪皓歸自金致金酋室然寄問之語檜聞之深以為憾令李文會論之皓

載書

奸賊

卷五十九

三

遠貶英州後檜趨朝殿司小校施全刺檜不中檜引問之曰你莫心風否全曰我不是心風舉朝上下都要去殺番人你獨不肯殺故我便要殺你自是檜出列大兵長挺以自衛自檜擅政屏塞人言故一時獻言者非誦檜功德則許人陰私以取寵求媚中有一二恐觸忌諱只論銷金鋪翠乞禁鹿胎冠子之類以塞責至有請檜乘金根車置益國官屬并議九錫者檜聞之安然以太廟靈芝繪爲華旗檜兩據相位凡十九年劫制君父包藏禍心倡和誤國一時忠臣良將誅鋤畧盡凡論人章疏皆檜自操筆以授言者識之者曰此老秦筆也察事之卒布滿京城小涉譏議

卽捕治之又陰結內侍及醫師伺上動靜郡國大事只申臺省至上不聞也嘗病告一二日執政獨對不收他語惟盛稱秦檜勲業明日檜入忽問曰昨日奏事甚久執政皇恐曰某惟誦太帥勲德語終卽退實無他言檜嘻笑曰甚荷益已喉言事官上章矣執政甫歸閣彈章副本已到其伎刻如此自其獨相至死之日易執政二十八人皆柔佞易制之徒言官聽檜彈擊者輒以政府與之故由中丞諫議而陞者凡十二人然甫入卽出或閱月或半年卽罷去惟王次翁閱四年以金人敗盟之初持不易相之論檜德之深也朱子曰秦檜歿高宗告楊郡王云朕今日始免膝

種不易相是全人成約非關次翁引荐

禛中帶七首乃知高宗平日嘗防檜但到這田地七首也
如何使得高宗初見檜能擔當和議遂以國柄付之被他
入手了高宗更收不上高宗所惡之人檜引而用之高宗
亦無如之何高宗所欲用之人檜皆擯去之舉朝無非檜
之人高宗更動不得了
李生日使秦檜不死高宗有寒心矣使檜幸而永年高宗
不壽檜不但欲受九錫已也檜之所以竭力事金者異他
日如契丹立石敬瑭爲晉帝故事耳其設心未嘗不欲安
坐而享張邦昌劉豫之貴也趙鼎諸人不學無術不能知
人相幾盡在其術中而不悟悲夫

確

湯思退處州人秦檜當國惡直醜正必不與已違異者始
久於用時思退名位日進檜病篤招董德玄及思退至臥
內贈以黃金千兩德玄慮其以我爲自外不敢辭思退慮
其以我期他死不敢受高宗聞之以思退不受檜金非檜
黨也信之拜尚書左僕射侍御史陳俊卿論其挾詐傾邪
專附秦檜父子乃罷隆興元年符離師潰孝宗召思退復
相之時金來索海泗唐鄧四郡上不許思退遽奏以吏部
侍郎王之望爲通問使許割棄四郡與金復密令孫造諭
金以重兵脅和上聞有敵兵命思退督江淮軍思退辭不
行言者因極論思退急和微備之罪遂罷相以憂悸歿

藏書親臣傳卷六十一
太子
吳太子據
據之母衛后也元狩元年立為太子年七歲矣初武帝年二十九乃得太子甚喜為立禰使東方朔枚臯作禰祝少壯詔受公羊春秋又從瑕丘江公受穀梁及冠就宮上為立博望苑使通賓客太子既長仁恕溫謹上嫌其才能少不類已皇后太子不自安上覺之謂大將軍青曰漢家庶事草創加四夷侵陵朕不變更制度後世無法不出師征伐天下不安為此者不得不勞民若後世又如朕所為是

藏書親臣傳卷六十一

一太子

吳太子據

據之母衛后也元狩元年立為太子年七歲矣初武帝年二十九乃得太子甚喜為立禰使東方朔枚臯作禰祝少壯詔受公羊春秋又從瑕丘江公受穀梁及冠就宮上為立博望苑使通賓客太子既長仁恕溫謹上嫌其才能少不類已皇后太子不自安上覺之謂大將軍青曰漢家庶事草創加四夷侵陵朕不變更制度後世無法不出師征伐天下不安為此者不得不勞民若後世又如朕所為是

莊嚴

藏書 太子親臣

誅得妙武
帝知此安
得有子益
父之事

襲亡秦之迹也。太子敦重好靜，必能安天下，不使朕憂。後太子每諫征伐，上笑曰：吾當其勞，以逸遺汝，不亦可乎？上每行幸，常以後事付太子，上用法嚴，太子寬厚，多平憐，雖得百姓心，而大臣深酷用法者，多毀之，以故太子譽少，毀多。上與諸子疏，皇后希得見，太子嘗謁后，移日乃出黃門。蘇文常融等常微伺太子過，輒增加白之上，嘗少不平，使融召太子，融言太子有喜色，上默然。及太子至上，察其貌有涕泣處，而佯笑語，上知其情，乃誅融。后亦善自防閑，避嫌疑，雖久無寵，尚被禮遇。是時方士及諸神巫多聚京師，女巫往來宮中，教美人度厄作木人祭祀之，更相占訴，以

為呪詛，上心既疑，嘗晝寢，夢木人數千持杖欲擊上，上為驚悟，因是體不平。武帝末，江充用事，後上居建章宮，見一男子帶劔入中龍華門，命收之，弗獲，上怒，斬門候，發三輔騎士搜上林，索長安中，十一日乃解。巫蠱事起，充因此為姦。是時上春秋高，意多所惡，以為左右皆為蠱道，呪詛窮治其事，皆坐誅。充既知上意，復白言宮中有蠱氣，上使案道侯韓說、御史章贛、黃門蘇文等助充，充遂至太子宫掘蠱，得銅木人。時上疾，避暑甘泉宮，獨皇后太子在，太子召問少傅石德，德懼為師傅并誅，因謂太子曰：前丞相父子兩宮主，及衛氏皆坐此，今巫與使者掘地得蠱，不知巫置

之邪將實有也無以自明可矯以節收捕充等繫獄窮治其姦詐且上疾在甘泉皇后及家吏請問皆不報上存亡未可知而姦臣如此太子將不念秦扶蘇事邪太子曰吾人子安得擅誅不如歸謝幸得無罪將往甘泉而充持之急太子不知所出遂從德計乃使客爲使者收捕充等令百官曰江充反乃斬充以狗彘胡巫上林中蘇文亡歸其泉言狀上曰太子必懼又忿充等故有此變乃使使召太子使者不敢進歸報云太子反已成欲斬臣臣逃歸上太子怒賜丞相璽書曰捕斬反者自有賞罰堅門毋令反者得出詔發三輔近縣兵丞相將之太子亦矯制發兵至長樂

漢嘗賜三老果得其用亦何減於四皓哉

西關下逢丞相軍合戰五日死者數萬人太子兵敗亡不得詔收后璽綬后自殺諸太子賓客嘗出入宮門皆坐誅其隨太子發兵以反法族上怒甚羣小憂懼不知所出壺關三老茂上書曰臣聞父者猶天母者猶地子猶萬物也故天平地安陰陽和調物有茂成父慈母愛子乃孝順昔者虞舜孝之至也而不中於瞽瞍孝已被謗伯奇放流何者積毀之所生也今皇太子爲漢適嗣承萬世之業體祖宗之重親則皇帝之宗子也江充閭閻之隸臣耳陛下顯而用之銜至尊之命以迫躓皇太子造飾姦詐羣邪錯謬是以親戚之路南塞而不通太子進則不得上見退則困

於亂臣獨寃結而亡告不忍忿忿之心起而殺充恐懼連
諸子盜父兵以救難自免耳臣竊以爲無邪心唯陛下寬
心慰意亟罷甲兵無令太子久亡書奏天子感悟太子之
亡也東至湖臧匿泉鳩里主人家貧常賣履以給太子太
子有故人在湖聞其富贍使人呼之發覺吏圍捕太子太
子自度不得脫卽入室距戶自經山陽男子張富昌爲卒
足蹋開戶新安令史李壽趨抱解太子主人公遂格鬪死
皇孫二人皆并遇害上旣傷太子乃下詔封李壽爲刊侯
張富昌爲題侯久之巫蠱事多不信上知太子惶恐無他
意而車千秋復訟太子寃上遂擢千秋爲丞相而族滅江

左家焚蘇文於橫橋上族泉鳩里加兵刃於太子者上憐
太子無辜乃作思子宮爲歸來望思之臺於湖天下聞而
悲之歲太子旣死上乃立皇子弗陵爲太子而使霍光輔
之初皇子弗陵生弗陵母曰河間趙婕妤居鉤弋宮任身
十四月而生上曰聞昔堯十四月而生乃命門曰堯母門
燕王旦自以次第當爲太子上書求入宿衛上怒曰生子
當置齊魯禮義之鄉乃置之燕果有爭心乃斬其使其弟
廣陵王胥有勇力而皆動作無法多過失是歲鉤弋夫人
之子弗陵年七歲形體壯大多智上奇愛之心欲立焉以
其年穉母少猶與久之後數日帝譴責鉤弋夫人夫人脫

簪珥叩頭。帝曰：引持去，送掖廷獄。夫人還，顧帝曰：趣行，汝不得活，卽賜死。頃之，帝閑居，試問左右，對曰：人言且立其子，何去其母乎？帝曰：然，是非兒曹所知也。往古國家所以亂，由主少母壯也。女主獨居，驕蹇浮亂，自恣莫能禁也。汝不聞呂后邪？故不得不先去之。

太子勇

勇，小名覲，地伐。隋文帝篡位，立勇爲太子。帝嘗謂羣臣曰：前代帝王溺於嬖幸，故時有廢立。朕傍無姬侍，五子同母，親兄弟也。勇解屬詞賦，性寬厚，率意任情，無矯飭之行，而多內寵。昭訓雲氏，嬖幸禮足於嫡，而妃元氏無寵。妃忽遇

許偽

心疼薨，獨孤獻后意。太子如有他故，於是頗求勇罪。過晉王廣知之，妾備員數而已。唯與蕭妃居處，皇后由是薄勇，而愈稱晉王。晉王來朝，車馬侍從皆爲儉素。接朝臣禮極卑，聲名出太子遠甚。臨還，入內拜辭皇后，因哽咽流涕，伏不能興，曰：臣性識愚下，不知何罪，失愛東宮，每恐讒譖出於杼軸，鳩毒遇於孟杓也。后忿然曰：覲地伐，漸不可耐。我爲伊索得元家女，本無病痛，忽爾暴亡，何因復于汝處發如此意？我在尚爾，我死後當魚肉汝乎？每思東宮，竟無正嫡，千秋萬歲後，遣汝等兄弟向阿雲兒前再拜，問訊此許。大苦痛也。晉王知后意移，因遣褒公宇文述深交楊素，約

令喻旨於楊素具言皇后此語後數日素入侍宴微稱晉王孝悌恭儉欲用以揣后意后泣曰公言是也我兒大季順其新婦亦可憐我有時遣婢去常與之同寢食豈如則地伐共阿雲相對面坐酣宴耶我所以益憐阿廢者常恐暗地殺之素既知其如此卽盛言太子不木以激怒后后始有廢立之謀矣帝亦惑之遂疎忌勇乃於玄武門達至德門量置人候以伺察太子動靜又東宮衛人及侍官已上名籍悉令屬諸衛府有健兒咸屏去之晉王又令段達私貨東宮幸臣姬威令取太子消息以告楊素於是內外誼謗過失日聞開皇二十年車駕至自仁壽宮御大興殿

謂侍臣曰我新還京師應開懷歡樂不知何意翻悒然愁苦因作色謂東宮官屬曰仁壽宮去此不遠令我每還京師嚴備如入敵國我爲患利不脫衣臥乃令楊素陳東宮事狀以告近臣於是勇及諸子皆被禁錮楊素又鍛鍊以成其獄勇以故遂敗勇旣廢爲庶人再拜謝曰臣合尸之都市爲將來鑒誠幸蒙哀憐得全性命言畢泣下流襟左右莫不憫嘿乃移勇於內史省給五品料食立晉王廣爲太子仍以勇付之復囚於東宮勇自以廢非其罪升樹叫呼欲聞于帝冀得引見楊素奏言勇情志昏亂又癡鬼所著不可復收帝以爲然卒不得見後帝遇疾於仁壽宮廣

入侍姦亂事聞帝抵牀曰枉廢我兒遣追勇未及暴崩太子不發喪偽勅賜庶人死

太子建成

唐高祖即位立建成為太子中允王珪洗馬魏徵以帝初興建成真不與謀而秦王數平劇寇功冠天下會劉黑闥亂河北珪等胡說說建成曰殿下特以嫡長居東宮非有功德為人所稱道今黑闥瘕叛殘孽可請往討之以自為功建成遂請行敗黑闥于洛水于是建成等私募驍勇及長安惡少年二千為宮甲又募幽州突厥兵三百內之宮內一日與秦王晏飲以毒酒進王王因中毒絡血數升扶病而歸

帝來問疾因謂秦王曰吾起晉陽平天下皆爾之力將定

東宮爾又亟讓故成爾志今太子之立既多歷年吾重奪

之觀爾兄弟終不相下奈何武德九年建成元吉密以金

銀器一車贈尉遲敬德并為書招之敬德辭以告秦王王

曰公心如山雖積金至斗公終不移相遺但受且得以知

其陰計不然禍將及公矣既而元吉使壯士夜刺敬德敬

德知之洞開重門安臥不動刺客不敢入而止元吉又譖

敬德於上前上將殺敬德賴秦王固請得免會突厥入塞

建成薦元吉代世民督諸軍北征元吉遂請尉遲敬德程

知節段志玄秦叔寶等偕行仍簡閱秦王帳下精銳之士

以益其軍元吉既謀得秦王驍將精卒因與太子計欲待秦王出餞昆明池即使壯士拉殺之而以王暴卒奏聞長孫無忌等知之乃勸秦王先事圖之皆曰齊王凶戾終不肯事太子比聞護軍薛寶謂齊王曰大王之名合之成唐字大王終主唐祀齊王喜曰但除秦王取東宮如反掌耳彼與太子謀亂未成已有取太子之心矣亂心無厭何所不至大王奈何狗匹夫之節壽爵稷之大計乎秦王命卜之幕寮張公瑾自外來取龜投地曰卜以決疑今事在不疑尚何卜乎卜而不吉庸得已乎於是定誅已未太白復經天傅奕奏太白見秦分秦王當有天下上以其狀授秦

王於是秦王密奏建成元吉淫亂後宮且曰臣於兄弟無絲毫相負今欲殺臣以爲世克建德報讐上省之愕然報曰明當鞫問汝宜早參庚申世民帥長孫無忌等入伏兵於玄武門建成召元吉謀之元吉曰宜勒官府兵託疾不朝以觀形勢建成曰兵備已嚴當與弟入乃俱入趣玄武門至臨湖殿覺變即跋馬東歸官府秦王大呼元吉張弓欲射秦王再三不能發於是秦王射建成殺之尉遲敬德將士繼至復射元吉墜馬會秦王馬逸入林下爲木枝所絀墜不能起元吉遽至奪弓將扼秦王敬德躍馬叱而射殺之上聞之大驚謂裴寂等曰不圖今日乃是此事蕭瑀

陳叔達曰建成元吉疾秦王功高共爲姦謀今秦王已討而誅之秦王功蓋宇宙率土歸心陛下若處以元良委之國事無復事矣上曰善此吾之宿心也癸亥立秦王爲太子又詔自今軍國庶事無大小悉委太子處決然後聞奏太宗立追封建成爲息王諡曰隱

太子忠

忠高宗長子高宗始爲太子而忠生王皇后無子后以忠毋微立之必親已請於帝得立爲太子及后廢武后子弘甫三歲許敬宗希武后旨上疏曰伏惟陛下憲章千古含育萬邦爰立聖慈毋儀天下而皇后生子合處少陽出

自塗山是謂吾君之胤夙聞胎教宜展問豎之心乃復爲孽奪宗降居藩邸是使前星匿彩瑤嶽韜峯臣以愚誠竊所未解且今之守器素非皇嫡永徽爰始國本未生權引彗星越昇明兩近者元妃載誕正胤降神重光日融燭暉空息安可以茲傷統叨據溫文國有諍臣孰逃其責竊惟息姑克讓可以思齊劉彊守藩空遵往軌追蹤太伯不亦休哉踵武延陵故常美矣寧可反植枝幹久易位於天庭倒襲裳衣使違方於震位蠢爾黎庶云誰繫心垂裕後昆將何播美忠於是降封梁王麟德初宦者王伏勝得罪於武后敬宗乃誣忠及上官儀與伏勝謀反賜忠死明年太

子弘表請收葬許之

太子弘

天生大賢

弘武后長子也顯慶元年立為太子受春秋左氏於率更令郭瑜至楚世子商臣弑其君喟而廢卷曰聖人垂訓曷謂書此瑜曰聖人作春秋要使惡名不得滅於後世耳弘曰然所不忍聞也願讀他書瑜拜曰里名勝毋曾參不入殿下睿孛天性如此臣聞安上治民莫善於禮請改受禮太子曰善太子聞蕭妃女義陽宣城二公主幽于掖廷年已四十不得嫁惻然為之請於武后后怒即以當上衛士配之太子由是失愛太子又請以同州沙苑分假貧民帝

不濟

大悅語侍臣曰弘仁孝恭讓未嘗有過也而后將騁已志怨弘奏請數拂旨上元二年從幸合璧宮遇醜薨聞者莫不痛之

太子憲

亦是大賢

睿宗將建東宮以憲嫡長又嘗為太子矣而平王隆基有大功未知所定憲辭曰儲副天下公器時平則先嫡長國難則先有功使付授非空海內失望因涕泣固讓平王睿宗乃許之而復立平王為太子太子兄弟五人俱先賜第于上都隆慶坊號曰五王宅至太子又製為長枕大衾日與諸王臥起先天後盡以隆慶舊邸為興慶宮而賜憲及

親臣

親臣

卷六十一

薛王第於勝業坊申岐二王於安興坊二坊環列宮側玄宗於宮西南置樓置其西曰花萼相輝之樓南曰勤政務本之樓上時登樓聞諸王作樂則召升樓相與同榻而坐或就而幸之賦詩燕飲賜與金帛極歡而罷諸王日朝側門既歸卽具樂歡讌或擊毬或時鬪雞馳逐鷹犬所至上輒遣使勞賜相踵也世謂天子友愛古無有者憲尤謹畏不敢于政上益信而重之後申王等皆薨唯憲獨存上親待之愈厚薨時年六十三開元之十四年也上以憲實讓天下非大號不稱追謚曰讓皇帝


太子瑛

瑛玄宗太子也初瑛母以倡進得幸生瑛及爲臨淄王別以色選得幸生鄂光二王既而武惠妃有寵生壽王瑁愛與諸子絕等而太子及二王以母失職皆無寵惠妃日夜伺太子短譁爲醜語泣訴于帝帝怒召宰相議廢之中書令張九齡諫曰太子諸王日受聖訓陛下奈何一日欲棄三子乎帝默然俄而九齡罷李林甫專國數稱壽王美以摠妃意二十五年妃復構太子有異謀妃因使人詭召太子二王曰宮中有盜請介以入太子信之妃因走白帝曰太子二王謀反已具甲而來矣帝使中人視之果然遽召宰相林甫議之遂並廢爲庶人尋遇害故天下號三庶人

焉。歲中惠妃數見庶人爲祟，因大病，召巫祈請改葬，而射行刑者瘞之，訖不解。妃死後，崇乃亡。李卓吾曰：明皇待諸弟如此，其仁愛待諸子如此，其不仁何相悖也。嗚呼！讓皇帝於是爲不可及矣。非讓皇帝有太伯、叔齊之賢，則明皇之視諸弟不難於諸子矣。

陳明卿曰：宋王成器、申王成義，上兄也；岐王範、薛王業，上弟也；幽王守禮，上從兄也。上爲長枕大被，與偕寢殿中，設五幄成器、善笛、範、善琵琶，上操絲竹和之，親爲業煮藥，吹風火鬚上之，友愛如是，然實懼禍耳。蓋上旣廢立長之條而引立功之典，諸王皆壯盛，不無疑懼。太平

公主雖罪惡不赦，而骨肉之際，能不寒心。故上用深仁結之，而卒用群臣議出刺外州，正上英斷曉事處也。玄宗十分要學太宗，觀其對朝隱曰：卿爲赤縣令，能如此，朕復何憂。又御承天門，集百官及諸州朝集使，宣示以朝隱所爲，且曰：能副朕意，實在斯人。渾是太宗家法，只是能學太宗，僞處不能學太宗，真處能學他，做作處不能學他，自然處如太宗，誅宗弟而玄宗至爲長枕大被，置十王百孫諸院，乃同日誅鋤三子，却又露出本色，何也。看來玄宗病痛，只是一生好色，晚年好兵好貨，皆從色根生來。



Faint vertical text columns, likely bleed-through from the reverse side of the page. The characters are difficult to decipher due to fading and the texture of the paper.

Small handwritten mark or character on the left page.

